

JUL 20 1933

新會
沙堆僑安月報
THE KIUON GAZETTE

中華民國二十二年

七月十五


出版

第八十期

紙類

認為新聞

中華郵政特准掛號



(內)

- 12 告白
- 11 代郵
- 10 泰西格言
- 9 詩林
- 8 實用工業
- 7 社會一般
- 6 名人史略
- 5 轉載
- 4 思潮
- 3 區聞
- 2 筆聞
- 1 雜著

JULY 15th 1933

革命尙未成功



總理遺囑

同志仍須努力

余致力國民革命凡四十年其目的在求
中國之自由平等積四十年之經驗深知
欲達到此目的必須喚起民眾及聯合世
界上以不等待我之民族共同奮鬥
現在革命尙未成功凡我同志務須依照
余所著建國方略建國大綱三民主義及
第一次全國代表大會宣言繼續努力以
求貫徹最近主張開國民會議及廢除不
平等條約尤須於最短期間促其實現是
所至囑

本報啓事(一)

- 一、本報以提倡鄉中各種慈善公益事業及改良風俗爲宗旨。
- 二、各親友投稿。不論文言白話。與本報宗旨相符者。極表歡迎。惟編輯部有刪改權。登載與否。恕不發還。
- 三、本報每月出版壹次。凡寄稿件。請於國歷壹日以前寄來。以便彙印。
- 四、本報承登告白啓事等件。價甚相宜。但篇幅濶窄。登期長短。須與李祐韶君廖洪烈君或宋華杞君面商。
- 五、本報編輯部。設在沙堆鄉僑安會。親友如有投稿。請直書抄正照上列住址寄交編輯部收入便妥。
- 六、本報本有聞必錄之義。倘新聞登載與事實不符者。希卽來函更正。
- 七、本報定價內地每冊壹角。全年壹元。郵費另加。寄往外國。額收金銀壹元二毫五仙。郵費在內。
- 八、本報文字。錯漏之處。在所不免。大雅君子。希爲教正。
- 九、本報內容。期期變更。以免呆板。閱者諒之。
- 十、本報設德律風一欄。爲利便鄉人致信外洋親友起見。但每一信件。不得超過五十個字。否則照告白例給價。

(本報啟事二)

本報為節省印費及郵費起見。特於是期起。減省各欄篇幅。請各界投稿友閱者諸君見諒。

本會緊要通告(一)

為通告事。案查本會建築會所時。規定凡本會會員捐款叁元以上者。由其本人照章自影照片寄歸。懸于會內。以留紀念。但查各會員。有照片寄歸者。不過二百餘人。其餘未有照片寄歸者尚多。茲定期由國曆四月十五日起。至十月十五日止。希各捐款會員。在此期限內。一律照章將其本人照片寄來。俾得彙齊分別裝載鏡架內。懸于會中。以留紀念為幸。
中華民國二十一年四月四日 沙堆華僑安會啟

本會緊要通告(二)


為通告事。竊惟報紙乃強國之利器。月報為外僑之耳目。故欲鄉僑深悉家鄉時事者。不能不藉文字為傳遞也。我沙堆僑安月報自開辦以來。愛閱諸君。有如風起雲湧。足知我鄉僑與該月報感情之深矣。惟印刷費浩大。郵費頻加。非賴我僑熱心捐助。無以維持於永久。但欠報費日多。更難維持。凡欠報費者。希速如數交來本總會。俾彙齊付歸。以資維持為幸。
中華民國二十一年七月一日 雲高華埠沙堆僑總會

又
673.305
915

論 著

鄉民與鄉長(續前)

晴暉



為鄉民者。應如何也。上既言之矣。而為鄉長者。下受鄉民之選舉。

則所期望者必甚殷。上承政府之委任。則所負責者必甚重。如何然後不負

鄉民之付托。無忝政府之倚畀乎。自當有見義勇為之精神。有廉潔奉公之

德性。有愛護鄉土之觀念。有無固無我之氣概。然後可也。吾今分別言之。

所謂見義勇為者。於地方上所應興者努力興之。地方上所應革者努力

革之。何者為民之利。即行造之。何者為民之害。即行除之。如工業未振

招股辦之。山林未造。集資造之。學務廢弛。籌款興之。荒地未闢。提倡

953146

墾之。至若賭博林立。私數常見。雷厲掃之。吹烟如鯽。窃風滋熾。嚴法治之。俗多迷信。耗費金錢。厲行禁之。則鄉政優優。鄉民有不額首稱慶者乎。偷稍畏怯焉。或稍柔懦焉。即負所托。有忝厥職矣。鄉政無進展之望矣。

所謂廉潔奉公者。其於本身方面也。稍有不良嗜好者。概戒絕之。淡泊寧靜。所衣者麻葛。所食者粗糲。不以人之富貴而起貪念。不因己之貧賤而生利心。物非所有者。絲毫不取。一事之來也。義所當爲而爲。義不當爲而不爲。一言一笑。一舉一動。無不循乎正軌。鶴鶴然如溪邊之白鳥。皎皎然如山間之明月。可慕可愛。可爲瘠民之表率。其於民衆方面也。立心惟誠。辦事惟公。不舞弊。不營私。矢慎矢勤。夙夜匪懈。鞠其躬而盡其瘁。以民意爲依歸。其於政府方面也。凡令之來。其易辦者。固速辦之。即難辦者。亦籌辦之。不以易而進。不以難而退。不因勞而悔。不因怨而止。若政府所飭辦之事。不合民意者。則考慮其事如何。如真有利於國也。有福於民也。則對鄉民詳爲解釋。俾明瞭以從。偷利福較少。而病民較多。

○則詳列理由。○請求政府緩辦。○或改辦之。○或收回成命。○準此以行。○其廉潔之德性。○曷有若者。

所謂愛護鄉土者。○非若初離鄉間。○戀戀不捨之謂也。○尤非若久別鄉井。○憶及桑蔬之語。○黯然神傷之謂也。○其必於鄉政百廢。○思如何而具舉之。○鄉民貧窘。○思如何而使之富有。○鄉人痛苦。○思如何而爲之解除。○路政不良。○何以修理。○財政紊亂。○何以整頓。○風俗奢靡。○運動節約。○盜竊甚盛。○嚴行緝弭。○是以真愛護鄉土者。○罔念個人之實權。○惟顧一鄉之體面。○不謀一己之私利。○惟謀大衆之公益。○甚且犧牲其身體之自由。○投監入獄。○以拯救鄉民。○但恐有此觀念者無其人耳。○苟其有之。○鄉土能成爲隆盛之域也歟。

所謂無固無我者。○能不凝滯於物。○與世推移也。○能無姓氏地方房份之畛域。○團結一致也。○能以公理爲依歸。○不以感情意氣用事也。○對於環境。○如其常也。○則以常道處之。○如其變也。○則以權謀處之。○對於人事。○其強梁者。○必誅鋤之。○其弱小者。○必扶助之。○其賢善者。○必嘉獎之。○其貪劣者。○必擯斥之。○若甲也賢。○雖素不相識。○卽與之交臂以爲友。○若乙也不肖。○則

雖同姓同里同房。卽與之操戈以爲敵。如是而持己。如是而待人。則於潮流無不順。於公理無不合。尙有謂固執不通祇知有我者乎。

今之鄉長。於地方上所應興者而不興。所應革者而不革。利民者而不造。害民者而不除。烟賭日盛而不禁。盜竊滋熾而不理。試問有見義勇爲之精神否耶。其於本身方面。則惟利是視。於民衆方面。則舞弊營私。於政府方面。則敷衍塞責。試問有廉潔奉公之德性否耶。鄉政百廢而不思舉。鄉民大窘而不思救。且破壞鄉中之公益。以謀個人之私利。試問有愛護鄉土之觀念否耶。其於事也。不以公理而判斷。惟以私情爲依歸。日言姓界地界房界。成見自守。其於人也。趨炎附熱。強者助之。弱者抑之。賢者欺之。愚者畏之。試問有無固無我之氣概否耶。抑吾見今之所謂鄉長者。有兩種。一爲貪污桀黠廉恥無存者。一爲敷衍因循不置可否者。彼廉恥盡喪之輩。名譽在所不顧。生命亦所不惜。有利可圖也。誰赴湯蹈火而圖之。甚至賊一人而得十金者而亦爲之。豈不是人其面而獸其心耶。彼不置可否者。桀黠者唯唯。彼亦唯唯。桀黠者否否。彼亦否否。全無主張。

惟拱手以待決于彼二三笨黠者。豈非尸其位而素其餐耶。由是言之。則爲鄉長者。非庸則劣。舉世莽莽。同出一轍也必矣。但翻觀吾鄉此次運動選舉鄉長者。如兔之起。如鶻之落。大有中原逐鹿之勢。入選之後果能如舟車之司舵司機者駕御稱職焉否也。今不敢斷。惟拭目以看其最近之將來。



本鄉新聞

△被人用屎塗面之少婦

康嶺里曾宇之妻蔣氏，年約廿四，素性勃谿，與家姑丈夫，均無好緣，並與該同里曾滿之妻齟齬，乃于前月廿九日朝，私將會滿與她同園畦上之豆拔起，當時被曾滿瞥見，遂面斥之，詎她反顏相向，百般詈罵，曾滿忍無可忍，竟以牛屎塗其面，她赴局報警，警察稟傳原被兩方到案，聞警局以曾滿傷害人身，實屬無理，即依照違警罰則從輕罰款，並在該罰款內除數角補給蔣氏作了。

△佛前用具都敢竊去

本鄉好事者、重修龍王廟後、即多設龍母泥像一座、鄉間愚婦、購買日本製之梳粧面盤、贈送神前、以應龍母梳髻洗面之用、竊匪見之、早已垂涎三尺、至前月廿九夜、竟被竊匪踰垣潛入、洗掠一空、吾不知龍母是愛國心重、不用日貨、故使竊匪携往別處、免釘眼中否、不然、若龍母有靈、竊匪當受嚴重處分也、

△偷荔枝菓被捕

富成里廖烈永、在福音堂後園、種有荔枝菓甚多、五月正值荔熟、乃西寧里宋廣聘於前月卅一日、潛入廖之菓園內、攀緣樹梢、採摘荔枝、被廖瞥見、呼後備隊當場將宋拿獲拘禁、但處分若何、未之知云、

△走私熟煙被拘

本鄉熟烟、早已投充專賣、詎東昇里林時益、于本月一日、由古井墟私買

熟烟返鄉偷賣、被熟烟專賣公司派人將林拿獲、拘禁後備隊部、其如何處罰、未之知云、

△店伴辭工不肯將工銀清發

仁安堂藥材舖東家廖崇利、曾雇馬墊里李運勝傭工、去年每月給工銀叁元、至今年每月減給工銀貳元、李以廖既減工金、且積欠數月不肯清發、遂提出辭工、詎廖極力阻止、李即投訴分局、分局據情、傳廖到案、訊明原委、結果、由分局勒令廖限三天內將工金清發、並不得阻止李辭工云

△賣腐乳被村人將貨扣留

本月三日、養生園園主廖勳頌、着其工伴李社安挑得腐乳兩筐、往各村販賣、曾挑入沙角鄉呼賣時、被該鄉人曾傳蕙及伊嫂曾蕭氏、將曾社安兩筐腐乳盡行搶掠、因曾傳蕙等投充沙角雜貨專賣之故、曾社安即赴訴分局、分局據情、傳被告人到訊、所供直認不諱、於是勒令被告人將筐籠腐乳等物交回原告人作了云、

▲背夫席捲私逃之少婦

南安里胡衍芳、向在本墟華昌隆店傭工、於去年娶梅角鄉蔣慶求之女爲妻、入門之後、魚水甚諧、至今年蔣氏聽其嬉陵弄、於月前廿六日、托詞歸寧、私將隨奩之衣服首飾、盡行席捲而去、胡見其妻久去不返、心竊驚訝、乃開其櫃箱細視、竟空空然一物無存、始知蔣氏背夫私逃、遂即具呈分局、請飭警赴梅角鄉拘案給領、分局據呈後、旋派警往傳、聞蔣氏不敢到案云、

▲育女私逃請局咨追

南安里胡世熙、去年十月間取中山縣網山鄉黃立漢之親生女名遂意爲育女、該女子年約十三歲、係憑媒胡鄭氏介紹、詎她不知因何事故、於本月二日、私逃回籍、胡發覺、即具呈分局、請咨行中山縣第八區追回給領、分局據呈、當即咨請追回給領云、

▲本鄉海防尙未承充

本鄉海防、向由全鄉承充、所獲溢利、歸辦公益、上屆每天承繳餉銀二十

七元、本有些利可圖、但年來歐美經濟恐慌、毫銀入口短絀、鄉間亦大受影響、以故賭業非常冷淡、番攤檯最近開擺者、不過三五張、其門實堪羅雀、在干六月一日海防期滿之際、曾派人赴江探問海防總公司對於本鄉每天要繳餉銀若干、該總公司答覆照舊、或還須加多些少、本鄉人深知照舊承充虧缺、要求減繳十元至十二元、但總公司未准減低、故本鄉尙承充、而各賭館一律閉歇、不敢開賭、致犯國法云、

▲▲猪因鎖喉肉價大減

月來天氣不好、猪多發生鎖喉急症、各鄉皆然、本鄉尤甚、農家均畜有猪、因此損失極大、但一般屠家、乘機獲利不少、彼賣肉價雖平、而每猪一頭、重約百餘斤、估價不過三五元、其多利可知、茲查猪之鎖喉、非常急速、發生此症、前後不過三數句鐘、足以斃猪一命、據屠家言、宰驗其喉部、有黑肉一團、大如鷄卵、剖時一刀將黑肉割去、猪肉毫無異味、故與好猪無異云、聞本鄉人稍知衛生學者、幾有孔子在齊聞韶之概、但蚩蚩鄉民、貪肉價平、多爭購食、殊爲可惜云、

▲▲因細故打架報警

本月六日、聞古井公安分局據西寧里宋伯仕報稱、民昨與同里人宋張煥在散仔館打麻雀牌、由民出銀二毫、交給宋張煥購火肉、以佐夜膳、旋以夜膳不成、宋張煥父子、竟私自拈食、民當時向之斥責、不聽、仍以手指侮辱、民執他手指不住、他隨以鼓柱向民肱部一擊、以至腫傷、叫他補回痛藥、堅拒不肯、請鈞局票傳訊究、勒令補民痛藥等語、分局據報、登即飭警傳案調處云、

▲▲第一二段各鄉公民代表第二次會議

本月三日、第二段各鄉公民代表、因第二屆區選舉串同舞弊、假座僑安會、開第二次會議、查其重要議決案、(一)查選舉舞弊、須依章向司法起訴辦理、應否具呈司法控訴案、(議決)應即控訴、(二)第二段業經提起控訴、但未有聯結機關、應否組織梅沙六鄉聯鄉辦事處、並派出人員以專責成案、(議決)應即組織辦事處、由沙堆派出三人、梅閣二人、梅灣二人、沙

角一人、大沙灣一人、共同組織、(三)聯鄉辦事處其經費可否先由沙堆梅閣兩鄉墊支俟全案解決然後由六鄉按照人口科派填還案、(議決)辦事處經費由沙堆梅角兩鄉先行墊支、(四)聯鄉辦事處應即函致第二段各鄉各舉代表專責辦事案、(議決)通過、

▲▲第一屆區選舉舞弊

第二段各鄉公所聯合向縣府控訴

第二屆區選舉、吳趙等串同舞弊、第二段梅沙六鄉、以其冒替投選、剝奪民權、曾假座僑安會、召集各鄉代表、開兩次會議、昨聯合向縣府控訴奪其呈文云、呈為串同舞弊、要脅先具領代表證明書收據、代領選票、冒、投選、剝奪民權、懇請澈查嚴究、撤銷再選、以重選政、而免糾紛事、查第九區第二屆籌備選舉、自吳澤銓趙立勳李業富奉委籌備後、吳澤銓竊立勳、藉充選舉籌備員、串同舞弊、要脅多鄉先具簽領代表證書收據、偽備代領選票、冒替投選、以達其包辦式之野心、此種舞弊行為、查經李與

備員業富呈報鈞府察核在案、職鄉等聯居於第九區之第二段、人口將達萬人、而竟被吳澤銓等串同包辦、以致第二段萬人之衆、絕無被選之望、此種非法行爲、殊背政府舉辦地方自治保障民權之本旨、職鄉等見此情形、殊屬不甘、爰於本月廿三日召集第二段各鄉公民代表會議、議決、屆時選舉一致不派代表出席投選、靜候鈞府查究解決、倘該等仍屬不知覺悟、不顧地方、然後請求上憲體察地方情形、准予劃區分治、免被該等把持區政、貽害地方、茲將所有第二屆選舉串同包辦情形、暨第二段各鄉公民代表大會議決案乙份、理合具文黏呈鈞府察核、澈查嚴究、懇請先將此次選舉撤銷、再行選舉、可否照准、伏乞批示祇遵云云、

▲▲因選舉舞弊又向分庭控訴

第二屆區選舉舞弊、迭紀本報、茲查第二段各鄉、又向新會縣分庭控訴、其呈文云、呈爲串同舞弊、冒替選舉、剝奪民權、懇請嚴究撤銷、以儆奸邪、而維選政事、竊查第九區第二屆選舉、自吳澤銓趙立勳等奉委籌備、

即與第一屆參議吳強華、區委員趙偉棠、林英遂、薛金燦等、串同舞弊、所委各鄉籌備委員、盡屬私人、利誘各鄉籌備員、具領代表證書收據、並無證書給、以爲預備代領選票、冒替選舉、此種所爲、剝奪民權、欺騙鄉愚、凡屬第九區公民、殊難甘忍、迫得聯合第二段梅角沙堆等鄉、難召集公民表會議、議決、此次選舉一致不派代表出席投選、業經具述情形呈報新會代縣政府核辦、靜候解決在案、詎於選舉之日、該吳澤銓等、仍不悔悟、各鄉代表不到、竟敢冒領選票、冒替書票投選、似此行爲、對於地方自治、大有妨害、職鄉等迫得謹將實情聯呈鈞庭察核、懇請分別按查代表名冊檢驗選票、其選票多屬出於相同筆跡、則冒替事實不難立辨、然吳澤銓等、縱有奸術、豈能狡飾、所有吳澤銓等串同舞弊、冒替選舉、種種不爲應爲、依律嚴究、從重處分、並請將當選撤銷、另行改選、以儆奸邪、而維選政云云、

偷薯豆被捕

月來田間番薯被竊、農民到後備隊報案者、不下五六十宗、後備分隊長屢

崇礎李奕宏兩人、以竊氣太盛、不堪其擾、遂令部隊加緊嚴緝、本月七日夜、東坑里廖北爲、廖阿匡、廖阿唐、羅阿棟等、約同挑籬前赴土名北康嶺田面偷挖番薯、當時被巡邏田面之後備隊瞥見、卽行將廖北爲羅阿棟二人連同番薯數籬青荳數斤等贓物一併拿獲扣禁、卽廖阿匡廖阿唐等以力頑故、卒能逃脫、聞後備隊決意追究云、

△因一箇二絃到局報警

東和里廖威、鑼鼓小歌唱團團主也、曾應昇堂里、廖開伯祖子孫聘往睦洲掃墓助慶、團員廖炳光、在富成里步雲散仔館、借得二絃一箇、藉資應用、詎某甲彈斷該絃絃柄、迨歸來、廖威覓一舊絃柄修復、音線如故、交回步雲、步雲散仔、不肯承受、旋由廖威將二絃托人携往廣州金聲店修整、金聲修整音樂師說該絃無變、不庸修整、於是復携交步雲、該散仔以現下絃柄較短寸餘、決意要廖威復行修理、廖以非本人經手借取、置之不理步雲散仔、乃於本月七日將情赴報告古井公安分局、請求處理云、

△一條短褲大鬧一場

本月七日晚、東成里嘈鬧之聲、如奔騰萬馬、後詢該里人、據云、去年陳漢在散仔館私借阿龍短褲往坑邊洗身、浴後、不將褲放回原處、致被陳和漢偷去、至今年和順穿着去來、被阿龍認識、即向之詢問褲從何來、和順答謂阿漢給送、旋問阿漢、漢答是自己用錢購置而來、阿龍以其狡飾、於是互行肆口大罵、以致大鬧一場云、

△偷廟面盤竊犯被捕

龍王廟龍母神前由愚婦購送日本製之面盤、被竊偷去、業紀本報、本月九日、由本鄉後備隊偵悉、是昇堂里人廖北權偷去、賣與某甲、又得甲將情密報、後備隊據報、登即將廖拿獲、擬不罰款、惟將廖掃街兩天釋放、茲聞行竊神前由盤者不止廖北權一人、係與昇堂里廖□□共同所為云、

△打架為豬食草

西寧里宋根大、畜有豬母一頭、本月十日、該豬母扯食該同里人宋錦常妻

趙氏之草堆。趙氏由田中歸，適爲看見，即用肩上之鋤柄，向該猪母臀部一擊，事爲宋根大夫妻所知，始向趙氏大罵，終則用武，致傷趙氏頭部。（微腫）並撕爛趙氏身上所穿之衫，趙氏赴訴分局，分局傳宋根大到訊，聲稱、該猪母重傷，分局旋復派警赴該猪欄檢驗，詎該猪母連猪仔，活潑非常，聞結果，由分局分別從輕懲戒云、

△搜私烟一夕虛驚

本月十一日下午九句鐘時，禁烟分所稽查員，會同古井中隊部警衛隊，及駐本鄉軍警，前赴蓮塘里搜查私烟，當時該里男婦，聞人聲嘈雜，不知何故，竟鳴鑼呼警，一時哄動隣里，後知禁烟分所會同地方軍警搜索私烟，始行安心，聞是夕未嘗緝獲烟犯云、

△盜猪追放

本月十一晚，有猪一頭，在康王廟側逃逛，當時有兩少年見之，即用鴉片塗該猪咀，該猪受其麻醉，兩少年乘機捉之，欲拾之走，被婦女見之，當

即呼竊、後備隊聞聲、前赴該處追逐、兩少年見勢不佳、遂將豬放下、從山中逃遁而去云、

△胥民偷鋪掃街懲戒

本月十三日、龍王廟側柴店、雇船一艘載柴到來、因一時未能起清、將船灣泊廟前溪邊、詎有胥民李善將該船鐵錨偷去、被後備隊偵查捕獲、除勒令該胥民將錨交回船主外、並定掃街數天、以示懲戒、聞該竊犯掃街時、頭戴二尺高四方式紙帽、故引動市上觀衆極多云、

△通告各屠店不准宰售病豬

本鄉近來天氣不好、豬染鎖喉急症、已紀本報、古井分局長李德新、以市上宰售豬肉、多屬鎖喉病豬、於鄉人衛生、大有妨害、遂通告各屠戶、不准屠宰病豬售賣、以重衛生、茲將其通告原文錄下、爲通告事、查近日豬隻患鎖喉症而死者甚多、而各屠戶每有屠宰此種病豬售賣、對於人民衛生、大有妨害、亟應取締、特此通告、仰各屠戶、嗣後切勿再行屠宰病豬售

賣、以免妨衛生、倘敢故違、定必嚴罰不貸云、

△三夾坑橋開始建築

本鄉三夾坑口橋樑、去年由建築師林顯旺（臨潮鄉人）當區路會投得、價銀五千五百元、自應早已建築完竣、所因本鄉未有招募股款繳區、是以未能興築、迨本年本鄉投充駁艇防費、取得毫銀二千五百元繳區、故區路會不能不令林建築師從速建築、茲聞林建築師云、該橋準于本月十五日以前開始建築、大約三兩個月之久、可以完成該橋工程云、

▲深夜過舖坐談令人懷疑

本墟麗光剪髮店東梁耀（睦洲鄉人）于本月十二夜約一旬鐘時、坐于益壽堂藥材舖中、其時該舖前後門關起、有三數散仔、在該門隙窺探梁耀在會、遂生疑心、即赴分局請警叫益壽堂開門、藉知究竟、警察到呼該舖主內澤裕開門後、移時、梁耀從前門而出、返其店中、翌晨、分局傳梁到訊、聞所供稱、昨晚為曾之子女剪髮、故坐談到夜深云云、

▲鎖禁祠內由母保釋

東成里陳漢竊取該同里陳龍敬短褲一事、業紀本報、聞該里父兄嗣後以陳漢行爲不法、實屬可惡、於是將陳漢鎖禁於盛翁祖祠內、責令改悔、以儆效尤、旋由伊母保釋云、

▲禁止挖採山中泥土

崗美里李承遠祖子孫、由官廳承領望牛石山稅、現將其禁止挖採該山泥土之通告文字刻之于石、豎立該處、永遠禁止別人挖採、倘有故違、一經捉獲、即罰銀十元云云、

▲壓倒禾胎惡人挾恨

田唇里林阜耕得土名洋涌田兩坵、每坵八分、禾苗均已含胎、詎本月十五夜、被惡人用竹將該田禾苗盡行壓倒坵中、聞林阜係本年更夫、曾參加拿捕偷番薯小竊、故被挾恨加害該田禾苗云、

▲▲胡姓承採鵝山礦石

胡姓自因該鵝山訴訟終結、即召集該全族老幼討論、集合資本、用胡思成名義、在該山面建築礮樓一座、保護開採該山礦石、旋呈請建設廳派員到山測量、該員呈覆後、胡姓遵章繳費、復呈請發給礦照、昨已由建設廳發給、聞又向縣府呈請佈告保護云

▲▲本鄉海防業已承回

本鄉以年來世界經濟恐慌、洋錢銳減入口、不但市面各行生意凋落、影響所及、即賭業亦冷淡非常、所以賭館各番攤檯、由十數張減至四五張、亦不能支持、致相繼停擺、但本鄉人多以賭業爲生活、故對於下屆海防、時常催促沙溪公司派人赴江承充、沙溪公司亦以本鄉海防、不能久停、遂派廖廷儀往江承充、聞廖業已與海防總公司議定每天繳餉銀壹拾肆元伍毫、本鄉各賭商聞訊、當即於本月十七日復業云、

▲▲投承牌九之結果

本月十八日、本鄉海防牌九、當僑安會召集本鄉各賭商下票投承、當時計共下票七條、開票結果、以昇堂里廖崇輝每天出銀一十五元六毫二仙投得云、

▲▲沙堆僑安會公物登記表

名稱	件數	名稱	件數
椅毡十	六張	錦繡畫連對	六幅
圓石棧	四張	字畫連對	六幅
方石棧	四張	照身鏡	六個
舊木椅棧十	八張	窗頭橫山水畫	壹幅
宮坐椅十	六張	窗頭橫照身鏡	壹個
茶几	八張	窗頭上海全圖	壹幅
籐椅	四張	拱門大照身鏡	貳個
坤電麻雀檯	貳張	企錦繡畫	肆幅

酸枝方檯	式張	時辰鏢	式個
酸枝圓石檯	式張	煤汽吊燈	式盞
酸枝貴妃椅	式張	煤汽坐燈	壹盞
酸枝衣架	式個	茶檯	式張
蚊帳	二個	竹梯	壹凭
羊毛毡	三張	吊火水燈	壹盞
珠被	二張	日字樣坤電機	三十一張
國旗	二枝	坐燈	式盞
黨旗	一枝	鐵柱仔	式個
國黨旗仔	二枝	竹雀牌	叁副
木聯	壹對	骨雀牌	式副
木橫匾	壹個	木骨牌	式副
梨壺連斗	式個	小洋杯仔	二十八個
小燈	壹盞	日規	壹個

茶盤	式個	中山像連對	全幅
廣盆	壹個	正面橫字鏡	叁個
鐵夾萬	壹個	照身鏡	六個
水彩畫	肆幅	大照身鏡	壹個
珠算盤	式個	美術鏡連對	壹幅
美術照身鏡	一個	大洋畫	六幅
字畫鏡	式個	講台	全副
窗頭字鏡	叁個	鏡面議案	全副
橫字鏡	壹個	黑色圓椅	十六張
講台官坐椅	式張	寫字檯	壹張
講案兩旁官坐椅	十式張	籐椅	式個
坤龍貴妃床	壹張	什物櫃	壹個
文櫃仔	壹個	漆木桶	壹個
洋面盤	式個	洋照身鏡	壹個

大花樽	式個	橫洋畫	壹幅
木梯	壹凭	鐵鉗螺絲	式枝
天台大鏢	壹個	漱口盅	式個
鑊鏟	式個	匙羹	式拾玖條
大小碟	六個	扣鐵條	肆枝
飯斗	柒個	鐵動鏟	壹枝
大八角碗	式個	鐵水壺	壹個
花海碗	拾捌個	鐵鋤頭	壹柄
八角碗	陸拾伍個	銅壳仔	壹個
食飯碗	陸拾伍個	扛盤	壹個
茶杯	壹佰零陸個	銅煲	壹個
白油碟	拾柒個	柴刀	壹張
菜刀	壹張	大小鑊	式個
灑壺	壹個	大水缸	壹個

備安月報 海 閱

- | | | | | |
|-------|----|--------|-----|----|
| 大盆 | 瓦盆 | 陸個 | 鐵水桶 | 式個 |
| 長櫬 | 柒張 | 碗櫃 | 壹個 | |
| 杉木長方檯 | 式張 | 瓦枕 | 五個 | |
| 床板 | 肆副 | 備案鈐記 | 壹顆 | |
| 圓檯面 | 陸塊 | 長條 | 壹個 | |
| 水燭帶 | 式枝 | 本會許可証書 | 壹幅 | |

以上各物經手檢點者為該會會員廖崇浣李昌儀兩君

▲▲牌九退承

本鄉牌九、原由昇堂里廖崇墀以每天出銀一十五元六毫二仙投得、旋廖以賭情冷淡、恐難支持、遂當晚到沙溪海防公司報退、甘願將擲票銀壹佰元沒收、沙溪公司以頭票報退、乃即晚召集本鄉賭商討論辦法、各賭商以廣進館每天出銀一十三元五毫為二票、如召集再投、恐難投得十三元五毫之數、且徒費手續、故均願給與廣進館承充、廣進館各賭商亦首肯、遂即照交預按餉、同時簽押云、

△吸私烟被拘

本月十八晚、禁烟分所稽查員、偵悉新沙里圍館梁社在該館內開燈吹吸私烟、即行函請古井公安分局、派警協同前赴該圍館搜捕、當時搜獲私烟、並吸私烟人犯梁社乙名、寄押分局候辦云、

△錢債案呈請分局處理

康嶺里曾買豪、曾于民國二十年八月間、借得圓堆村鄧均濃双毫銀七十元、嗣於廿一年十一月間、還回二十元、計尙欠五十元、鄧屢向曾催討、詎屢催屢延、鄧遂于本月十八日、具呈古井公安分局、請傳案勒令如數清還、以維債確云、

△報警討賬

昇堂里新橋頭柴欄店東廖某、于本月廿一日到古井公安分局報稱、麗光剪髮店、前除民店柴賬共銀八元餘、現聞該店東梁耀、欲將該店用具頂與別人、民欲取該大光燈、以作抵償、頃將情形報知本鄉警衛後備隊、茲特來

報局等語、分局據情、飭候派警稟傳梁耀到局訊明、然後勸令清賬、不可亂動云、

△鄉婦貪購平肉

本月廿一日略記門首、懸一燒豬、每斤價銀五毫、婦女以其平沽、爭相購買、如蟻附羶、該賣肉刀手、大有應接不暇之勢、故頃間賣淨、嗣後查得該燒豬、係某里阿甲所畜、因染鎖喉症而死、是以燒熟在略記門首擺賣云、

△計劃修復通涌口電話柱

本鄉以年來大局救平、致電話失修、線柱霉爛、業紀前數期月報、茲僑安會以早屆海防頗獲溢利、且以締造電話艱難、不可廢於一旦、遂審度財政、擬先予修復通達涌口礮樓線柱、但爲一勞永逸計、該電柱決用三合土鑄成、現已在計劃中、約于早造登場時開始、至各里電柱、將俟是屆海防溢利多少、然後陸續用三合土鑄柱、回復舊觀、免至枉費日前鄉僑創造心血云、

△追債務人不及

崗美里李永堯、曾於數年前、在警署起訴沙角鄉曾厚樵、請求勒令具限清還欠款、但厚樵當時無法籌還、乃求廖樹崇担保、詎曾至今仍不將款清還、李遂問廖負責、本月廿三日午、廖遇曾於墟上、當即赴請古井公安分局派警拘追、不料曾已常懷戒心一見廖面、急行逃匿、迨廖帶警到時、而曾已杳無踪跡、不知所之云

△豬價大跌

本鄉近來因歐美工業衰落、致洋錢入口銳減、墟下貨物、爲之頓呈停滯、物價亦爲之頓減、而豬隻尤爲特甚、聞去年底、每担價銀三十七元、至今日豬隻因染鎖喉症而死者甚多、一旦平息、自應豬少價高、不料每担祇賣得價銀二十六七元左右、若畜豬有百三四十斤重者、則屠店均嫌其過大、無人過問云、觀此、而知民窮財竭矣

△舞幻術引動觀衆

本月廿四日午、有自外江而來之廖某甲等、其隨從男女、不下七八人、在

蓮塘里開外曠地拜把戲。大鑼大鼓、引動男婦觀衆、不下百餘人、聞聲觀者言、其舞地、四面圍布以帳、入場看者、每人收銅幣五枚、裡面由廖甲用一直徑尺許之鐵圓、圓上蓋以白布、少頃、弄出重約三斤之葫蘆瓜兩個、移時、又弄出一碗燒鵝肉、最奇者、由該圓圈內赤出一個年約十二三歲之女童、該女童面上傅着香粉、唇染胭脂、能唱能舞、儼然一仙女也、無何女童入該圓圈內、不知所去云。

△寡孤淪落歸而見拒

劉義北村人、曾于前清宣統二年、憑某甲介紹到居安里繼嗣劉發香燻。至民國二年、娶妻關氏、生有一子名尋恩、旋以生計困難、義遂帶其妻子前往旺冲訪尋其伯瑞章、覓工棲身、藉圖升斗、未幾、義逝世、現關氏與其子尋恩、以天涯淪落、無所依歸、遂欲返居安里居住、詎劉發親屬劉希甫、竟拒不見納、關氏因畏希甫豪強、有苦無訴、特于本月廿三日具呈古井公安分局、告以欺凌孤寡、圖霸住屋之罪、請傳案訊究云。

△吸私烟被拘

本月廿四晚。禁烟分所函請古井公安分局派警協同該所稽查員、前赴蓮塘里以行祖祠搜查私烟、當場搜獲烟燈一盞、並拿獲有烟癖者廖昭廖成廖標三人、寄押分局候辦云、

▲▲請局清算祖嘗數目

安懷里曾社國、以汝榮祖嘗數目、歷年未曾清算過、本年是曾家悅管理、心有所疑、特于本月廿五日具呈古井公安分局請傳家悅携數到案清算、分局據呈、即派警與傳家悅、但適家悅有病、使其子曾作到案、略謂其父今年三月始行接管、一俟病愈、方能携備數簿到局清算云、

▲▲串竊園中植物被纏到局

鄉連園、前被該看園工人聶氣、於辭工臨行時、將園內蕉桔橘等菓、盡行折摘、拋入河中、並將瓜豆等物、盡行掠取、雇一小艇、由梁開太運載而去、至本月廿五日、昇堂里廖宏濤廖廷添纏梁到局、報稱、這是梁開太、

梅灣涌人、他是串同聶氣傷害宏連園內蕉桔等植物、茲宏連以年老不能行、特使爲代表、請將梁開太押候法辦等語、分局據情、即將梁押訊明白、以便辦理云、

△爭地釀成官訟

昇堂里行簡祖祠前空地、國澤祖子孫、謂國澤祖遺下、行簡祖子孫、謂行簡祖遺下、致互相爭執、聞現下向新會分庭起訴、于本月某日、分庭派法警到鄉稟傳雙方到案審訊、將來結果如何容後續報、

△建祠堂將起糾紛

東昇里林族、前擬建築該太祖林文喜祠堂時、召集各方坭水工目、競發承築工料、以林邦投票價最少承築、當時訂定合約、先交總價十分之八、其餘十分之一、須俟建築完竣、方可清交、詎支數員林伯友、照所訂定數額、交過林邦毫銀二千餘元、而林邦又半途逝世、致工程中止、現聞林族人云、一俟祖祠建築完妥、實行追究林伯友違約支過之款云、

△養鴨溪上應加干涉

南邊里林雨保在龍灣村前，養有鴨數百頭，每天晨早，必放鴨溪中，致溪水甚濁，鄉婦每朝汲水，嘖嘖煩言，古井公安分局聞訊，以林畜鴨溪上，於鄉民飲料衛生，實屬妨害，遂即派警前赴干涉云





本區新聞

◎巫覡害人一命嗚呼

獨洲鄉林某利、經商外洋、遺妻趙氏在家、有子年九歲、前日忽患大熱症、趙氏迷信神鬼、絕不延醫診治、往隣鄉延妖覡到宅看米、該妖覡索銀五十元、始肯爲之設壇叩拜、故弄玄虛、謂有女鬼纏身、須立即驅除、不則喪命、趙氏信以爲真、乃求覡請神保佑、詎料其子病勢日甚一日、竟於昨一日早斃命、巫覡知事敗露、立即逃去、

◎一朝溫飽便棄糟糠

古井網山鄉林榮、因賦閒日久、備極貧困、其妻趙氏、性極節儉、且深明

婦道、目睹丈夫命運如斯、時加勸解、去年求乃兄介紹林榮赴澳門五洲酒店充當管房、每月工資三四十金、詎料林榮、飽溫思淫、終日混跡花叢、結識福隆新街妓婦花解語、該妓貌醜異常、體若肥豬、而林榮戀之極熱、並營金屋藏嬌、月前伊母及趙氏染病、函電紛馳、催其返里、而林榮置之不理、其妻察悉此中情形、念夫也不良、有何樂趣、頓萌厭世之心、懸樑自盡、後被其姑察覺、多次施救、始獲甦生、

◎家翁貪財佔媳產

那伏鄉氏高香綸、年六十餘歲、有子五人、長子高振靈、五年前曾在呂宋彩票數千元、細載返里、返鄉後數月即病歿、高振靈回鄉後、即爲其四弟娶妻、自己并購有沙田十餘畝、死後遺妻高林氏及子、尙足維持生活、高香綸常謂高振靈之妻高林氏不孝、其子死後、即欲收回高林氏之田、以爲己有、然高林氏以此田爲丈夫所遺留、撫養遺雛、全靠於此、因是翁媳互訴於新會分庭、纏訟數年、至去月始由分庭判決、所有沙田、仍歸高林氏所有、惟高香綸雖在分庭敗訴、近又詭用高鄉乘堂名義、往沙田局報承該

項沙田、以圖奪佔、幸各幼子頗明大義、謂此項沙田、原是亡兄物業、遺與幼姪、理所當然、時向其父規勸、高香綸心仍不息、于前日翁媳二人、又投訴於該鄉鄉委會、鄉會以高香綸圖佔媳產、實屬無理取鬧、向高申斥一番、

◎見財起心歹徒攔途截搶

古井墟去月杪演戲開賭、有網山鍾煥等四人、各集股四百元、赴該劇場某攤檯賭博、至夜深、股本輸去十之七八、鍾煥遂登棚觀劇、當鍾煥在攤檯賭博時、有竹灣鄉匪徒趙好等十餘人在旁、見該數人豪賭、一擲再擲動輒百金、知其身懷鉅資、密謀搶掠、監視該數人行踪、鍾煥觀戲未幾、下棚返鄉、匪徒趙好等十餘人先埋伏路基、俟鍾網行至竹灣鄉圍前、即蜂擁而出、各携槍械、攔途截搶、被搶去銀四百餘元、鍾網認識該搶匪係竹灣鄉趙好糾夥強搶、越日即赴往九區公所報案、趙好等搶掠後、星夜逃往他處、該案未能即時破獲、該鍾煥等昨具呈縣府、請嚴緝搶匪起贓給領云、

◎蕩婦鬻子供孤注

聞夫歸里 畏罪潛逃

古井黃瑞廷、妻吳氏、已生有一子、現年四歲、但黃向在外洋經商、祇留其妻在家哺養幼子、按月付回家用、詎吳氏嗜賭異常、以致家中所有、典當殆盡、近且爲鄰近三姑六婆所唆使、竟將其子亞森鬻與隣鄉某甲爲螟蛉子、得價二百元、以供孤注、吳氏昨六日得接夫函、謂現已抵港遲三幾天便返家、吳氏接函後、以鬻子供賭、實無面目見丈夫、遂即私逃、至本月九日黃返鄉抵家、見雙扉緊閉、詢之鄰人、始悉前情、憤怒不已、現擬呈縣府查緝、並設法將子贖回云、

○ 失蹤之後復慶歸來

古井鄉奇石譚某、年約廿餘歲、在家賦閒、譚某之伯父譚鈞、在會城五顯冲居住、月前譚偕母來會城探望其伯、意欲尋工久未如願、譚每日替伯豕往人井頭汲水、習以爲常、前半月譚突失蹤、其母思子情切、日夕盼望、前數大詎譚突然歸來、對其母稱說、某日往大井頭汲水、忽遇一素昧生平之人、問我現在何處傭工、當欲答以未有栖身、其人謂江門某店擬僱伙

快、現特趕返鄉間、覓我兄弟當此職位、但距離鄉間遠、汝如願去、可奉汝充當此職等語、欲回來稟告一切、但其人謂現下官人甚緊、江門離會城不遠、俟上工後、然後說知未遲、機會誠不遲即逝可矣、稍矣、我一時不察、遂被帶任江門、困於某屋、轉押赴省、每日教練肩負子彈賽跑、辛苦異常、每跑落後、輒被鞭撻、乃愈撻身力愈疲、落五更甚、結果被管理人將我棄去、我始搭船返北街、步行返會城等語、其母聞言、轉憂為喜云、

◎憶子情切突失常性

梅灘鄉胡章某、現年十歲、數代軍傳、父往南洋營生、歷數載未歸、胡素勤儉、曾在某銅鐵店傭工、近因賦閒、乃思往省謀工、業於去月動程、抵省後、被人誑誘謂荐去省城過河南電船收票、實則誘往當兵、久已消息沉寂、昨其母接忽胡函、備述被誘經過、及現在福建漳州大王廟訓練班第一班訓練等語、其母聆訊、恍如晴天霹靂、忖思數代軍傳、只此一子、乃竟遭此不幸、因而日以眼淚洗面、寢食不安、適該同姓兄弟有友與誘胡之募兵員

有稔、願代往漳州一行、冀望釋回完聚、但卒無效果、胡母至是已成絕望、因憂思過度、近日竟頓失常態、大發神經、

◎拜龍母歸來發神經

梅角鄉婦人張某氏、年逾不惑、前日在家沽穀一担得銀八元、換帶搭渡往悅城拜龍母、迨船回江後、竟發神經病、終日喃喃自語、嗣由該鄉人偕任新慶某客棧、僦二樓一房暫住、聽候請醫調治、俟治愈然後旋鄉、聞氏因居客棧後、終日胡思亂想、全棧中人、甚為討厭、後竟將窗上竹枝折去、由窗口逃落地下、直逃出火車站、落白沙尋伊親屬、迨該鄉人察覺時、婦已不知去向、昨日多方偵查、始悉婦逃往白沙鄉親戚處、詢以回鄉否、該婦則所問非所答、狀態殊覺可憐、

◎少年縱慾染病喪生

瀾洲林英能、向在該鄉墟市某店傭工。前因沉埋酒色、遂不見容于店東、將林辭去、本年憑戚屬介紹在江門某餅乾店傭工、月中薪水頗優、林英能

仍不改其常態、時向送迎艇作蟾蜍局、寔且與珠娘發生戀愛、珠娘去月分晚、產後僅隔兩天、林因情不自禁、大恣獸性、未幾得病、回家數天、即行斃命、是亦色慾之害也、

◎縣府派員催收九區路費

第九區公路、路線甚長、總計有一百四十華里、現路基建築完成約九十五華里、橋樑涵洞建築完成者共有六十度、其餘路基橋樑涵洞、均在建築或計劃中、查該路係貫通獨洲那伏霞路古井等鄉、關係交通甚大、日前獨洲林姓與那伏高姓、因路線爭執問題、又因各鄉欠繳路款、致該公路建築委員會不能依期清發各該承建工人工資、該路工程、遂突告停頓、工人停工以待解決、嗣後該公路建築委員會具呈縣府、請派員到該路各鄉坐催等情、經縣府派出楊社大為催收員、即日分往各鄉催收路款、成績頗佳、已將積欠各工人工資清發、連日已興工建築、大約半年後、當可全路完成云、

◎棄舊戀新一拍兩散

古井鄉民黃英基、少失怙、賴寡母撫育成成人。去年春、始娶鄰鄉李婉蘭為

妻、伉儷頗篤、無何、黃爲友介紹、往港傭工、未幾、竟媼一少婦、兩情甚繾綣、隨挈之返鄉同居、婉蘭以夫別有所戀、不無含有醋意、故與媼婦、勢成冰炭、家庭間遂生齟齬、詎黃反袒媼婦、驅逐婉蘭大婦、由是彼此脫離夫婦關係、但該媼婦不甘食貧、且溺于竹戰、戰敗、則典押衣物、以供孤注、近竟欠債纍纍、無法償還、乃于昨十六日逃去無踪、黃以一拍兩散、繼大發神經病、屢圖自殺云、

賭敗無聊携子發賣

山頭鄉林某、前年偕其妻子孫媳、往獨洲墟開設洋貨店、生意頗盛、林子亞晃、性嗜烟賭、經其父將之驅逐、詎林阿晃於賭敗無聊之際、竟於日前返獨洲墟、適其所生幼子、在門前與羣兒相戲、遂將其子抱去、偕往陸洲鄉發賣、未幾其妻以幼子在門前失蹤、報知老翁林某、林卽往鄉公所報案、越日查得將幼子帶往陸洲發賣、卽往報陸洲墟警衛隊、請查緝該不肖子林亞晃、解案究辦、并請查起幼孩給領、

九區籌裝長途電話

第九區公所、以本區地方遼濶、亟應按裝電話、以利交通、前日經函請新志長途電話公司派員勘踏以便籌款按裝、昨日該公司派出李展鵬陳仁初、會同九區公路主席吳強華、回區商議、各委員均表同情、擬由該公司商定每里需款若干、以便召集各鄉公所聯席會議解決一切、聞每里幹線需費一百四十元、支線需一百二十元、以八里計算、約需一萬二千餘元、除由九區各鄉認股九千元外、餘三千元由該公司撥款協助、務希于最短期間、以求實現、而利交通云、

古井林業分會組織成立

呈請縣林業會備案

古井鄉鄉長黃照添等、昨以該鄉林業分會組織成立、特呈請林業促進會備案、呈云、爲遵奉組織推進造林、懇請准予備案事、竊查鈞會頒發林業促進委員會、各區鄉村分會組織章程、督促各區鄉村組織林業分會有案、查

職鄉轄內荒山荒地頗多、自應遵章組織分會、提倡督促造林以免拋荒、業於本年六月十日、由職所召集會議討論、即經議決遵章組織新會縣林業促進委員會、第九區古井鄉村分會、并推選黃照添爲主席委員、黃鐵魂黃自琚黃能液黃植泮爲常務委員、黃光海黃剛吾爲委員、由黃鐵魂兼總務股主任、黃自琚兼宣傳股主任、黃能液兼設計股主任、黃植泮兼調查股主任等議在案、理合備改呈請鈞會察核、懇請准予備案并頒發圖記俾資成立、實爲公便、



思潮

哀哉我國之同胞

香

自九一八而後。我國東北地方。被暴日蹂躪。我國東北同胞。被暴日淫殺。行將兩年。在野者。天天通電抗日。乃成紙上空談。在上者。聲聲誓復失地。而輿圖反多變色。以我堂堂華夏。對彼區區日本。所以守而不固。戰而不竟者。豈有他故。蓋由（一）握大權者互相猜忌。不能一致。（二）軍用品缺乏也。所以日兵長驅直進。佔我東省。攻我淞滬。奪我榆關。據我熱河。抑其野心。仍未有已。將縣略我平津。入據我國都。鯨吞我全國。奴隸我華人也。現在我國民氣雖沸騰到極點。或輸財。或投軍。奔走呼號。竭力爭札。以求破此難關。而政府要人。若無事然。對內。則曰

吾人須持鎮靜。對外。則曰吾人酷愛和平。然所謂鎮靜者。果有禦侮之方否。所謂和平者。果有攘外之力否。夫有禦侮之方。庶可言鎮靜。有攘外之力。庶可談和平。不然者。則戢戢濕濕。爲犧牲之牛羊耳。與其爲犧牲之牛羊。何如作奔突沙場之馬。況東北失地。尙未收復。居於彼處之同胞。輾轉呻吟刀俎之上。欲訴無言。欲哭無淚。殆有甚于地獄淫刑之苦。安可曰鎮靜。曰和平。置東北之不顧。等秦越之肥瘠耶。今者國勢阽危。千鈞一髮。倘仍如是云云者。毋亦祇顧一己之地盤。祇謀個人之權利。而以鎮靜和平四字爲掩遮天下人耳目之假面具耶。果若是。吾中國其無望矣。在此無望中。惟有長歎一聲曰。哀哉我國之同胞而已。

對汪精衛『老話』有疑

燕子

昔者汪行政院長去國之前。其安邦大計爲「一面抵抗」一面交涉」。今者汪院長歸國之後。其安邦大計仍「一面抵抗」一面交涉」。然而汪院長離去祖國之日。子雖無多。但祖國土地之失陷則甚速。可知一面抵抗固無功。一面

交涉亦失效，而汪院長之安邦大計却成不變，於是國人不能無疑，汪院長知國人不能無疑也，於是發表一篇「老話申明」一面抵抗，一面交涉」之奧義，其老話之大旨曰：「因不能戰，所以抵抗，因不能和，所以交涉」哦！原來如此，吾濟燕雀，焉知鴻鵠之志，但不能無疑，今也得汪院長教訓，始豁然明其意旨。

然有不能已於言者，則有一點疑問，欲求先生一言以解，就是「一」爲甚麼不能戰呢？十九路軍與廿九軍不能戰嗎？（二）如果不能戰，當然連抵抗亦不能，請問能抵抗而不能戰之義？（三）如謂能抵抗，現在所失的土地，不是被抵抗失去的嗎？（四）何以不能和而能交涉呢？（五）交涉而沒有武力做後盾，能獲勝利的嗎？（六）現在秘密交涉，與求和有甚分別呢？

或曰：院長之「老話」文過飾非而已。院長以「出洋養病」名於時者也，一但失歡於蔣，必以出洋養病稱，悄然去國，吾儕可以套院長之老話，而釋院長出洋養病之義曰：「因爲不得寵，所以要養病，因爲不容於國，所以要出洋」。

國難問答

蕭子

國難問答，每在紀念週時舉行，一問一答，以期勿忘，其意甚美。

國難當頭，吾人先學越王勾踐，再學吳王夫差，勾踐誓復國仇，臥薪嘗胆，已為今日救國奮勉之口號，且有形諸楮墨，繪為圖畫者，夫差圖越，亦思闔閭之仇，則令人只呼於堂上曰：「夫差，汝忘越王之殺汝父乎？」則應曰，唯，不敢忘。此類即今日之國難問答。

余謂此種辦法，宜推行各機關去，以期十年生聚，十年教訓，而後一舉而復國仇，但一問一答，極為簡單，容易成爲具文，不見實踐。可由當局編製雪恥救國之文字多種，實行將國民思想從新陶鑄，以堅定其愛國心志，較之一問一答，尤爲有效，國雖以還，關於宣傳國難方法，已五花八門，極盡奔走呼號，而國難曾不稍抒，是則坐而言不能起而行之故也，





轉載

淞滬血戰史(一)

自日兵侵我瀋陽後。我國三友實業廠。在滬東引翔鄉。提倡國貨。日人以其組織義勇軍。甚嫉視之。且十八日有日僧五名被毆。日人疑爲該廠所爲。益加憤恨。一月二十晨。突由租界潛來日浪人約六十人。破籬而入。開鎗放火。以火酒硫磺火球火箭引火之物。齊向該廠施射。火光熊熊。許久。始由該廠消防隊救滅。計被燬房室六間。布機三十餘部。華捕之被刺斃命者一人。重傷者二名。浪人始紛紛散回租界。遇租界巡捕盤問。浪人竟向之痛毆。結果。華捕三人被刺重傷。當時一華捕開鎗抵禦。(氣壯可嘉)傷日人三名。卽送醫院。其一已因傷斃命。日人旋在北部小學校召集居留氏大會。以謀應付。散會後。復懷鐵尺大棍。沿北四川路衝毀商店。毆傷英捕。并搗毀虹口滙山兩捕房。經武裝巡捕驅散後。又在北四川路底。聚集

不散。華界租界。均加緊戒嚴。并派大批武裝巡捕。前往彈壓。廿一日駐滬日總領事。到市政府提抗議。謂十八日有日僧五名。被華人毆辱。要求道歉賠償。保證以後不再有同樣事情發生。并取締排日解散抗日團體各項。惟對日人放火焚燒三友廠案。則僅口頭表示遺憾。市長吳鐵城亦向日領事提抗議。謂二十日引翔鄉之暴動案。日應負責。日方應道歉。及懲辦禍首。撫卹被難華人之家屬。保證以後不再有同樣之事情發生。日僧矢野瀨。於三友廠被焚時。不幸受傷。在醫院斃命。於廿三日下午出殯。租界當局。深恐發生意外。乃下令全體軍警預備隨時出動。惟卒幸無事故發生。領事團召開緊急會議。以謀應付。華人方面。要求租界當局制止日人不法舉動。否則惟有拒絕納稅。至日人焚燒三友案。僅由上海日當局逮捕參加暴動之日人五名。畧加審問。即遞解返長崎審理。我市府秘書俞鴻鈞稱。毆打五日僧之暴徒。一俟捕獲。即送交法院從嚴處辦云云。廿一日上海民國日報記載欄標題「日浪人藉陸戰隊掩護施暴」。日人認該報對帝國之大不敬。再由日領向市府提嚴重抗議。竟要求予該報以停版撤職等處分。市長吳

鐵城未允。於是又傳日浪人將襲擊該報。廿一晚該報遂嚴加戒備。申報新聞報各報館亦戒嚴。望平街空氣大緊張。虹口一帶。有日陸戰隊全武裝遊行示威。又日飛機一架。盤旋三友廠天空示威。廿二日本艦隊司令鹽澤。突向市府將下哀的美敦書。贊助日領要求。警言如不能使日人得有滿意之答覆。則所轄之艦隊。將取嚴峻對付法。以保障日人利益云。而廿一日東京之日海軍當局。已下令「吳」軍港之航空母艦一艘。巡洋艦一艘。毀滅艦四艘。及陸戰隊一部。向上海急航。同時佐世保軍港之軍艦。亦發待機出動之命令。而日內閣會議。結果且決議將滬案交海軍大臣相機辦理矣。廿二日午前。有武裝日人率便衣隊日人三名。到民國日報交涉。要求該報主筆親到日海軍司令部道歉。撤革負責記者。并刊鉅幅道歉更正等廣告。該報不得已。於廿三日謂遵工部局之勸告。由即日起暫停出版云。廿三日日本海陸援軍陸續開到。日艦之在滬者已有十艘。廿五日駐滬日總領事村井。訪吳鐵城。催促簽覆四項要求。謂此案如遷延不決。萬一發生意外。應由中政府負責。以答。正在考慮中。事關重大。須請示中央。及詢滬各界意見後

。再覆。吳井聲明。在此時期中。如有不幸事件發生。日應負責云。是夜員邀各界通宵會議。縝密考慮應付辦法。聞日方報告。謂村井認吳之答覆無誠意。已電東京請訓。廿七日吳對日方要求。雖已決定答覆。但須從詳考慮。覆照尙未送出。而口水兵廿餘名。於是日午。全副武裝在浦東越界登岸。分赴日華紗廠。聲勢洶洶。如臨大敵。居民震驚。秩序大亂。經我交涉始退。惟日司令鹽澤廿七晚向吳再下哀的美敦書。限期最遲明日下午六時以前。將對日要求切實答覆。送到領署。國聯會因恐中日問題發生糾紛。特請英意代表圖領袖分別接見中日代表。意領袖般加氏力言上海現在情形之緊張。中日須設法避免事件擴大。廿八日下午一時。吳派秘書某訪日總領事村井。至三時始返市府。該秘書已將吳市長至日總領之答覆送達。其原文如下。一經啓者。案准一月廿日大函略開。僧玉路被毆傷。提出條件四項。請求接受。等因准此。查該案發生。殊屬不幸。本市長特表歉仄。當即嚴令公安局限期緝兇歸案法辦。至該被害人等之醫藥費及撫慰金。本市長亦可酌爲給予。以示體恤。至來函所提關於抗日運動一節。現

查上海各界抗日委員會行動有越軌違法行爲。本市長仍當本法治精神。令行取締。至其他各抗日團體。并已令各團體予以取消。相應函達。即請查照爲荷。此致日本國駐上海總領事村井倉松上海市長吳鐵城。一日領收到中國答覆後。即將原文發表。謂華當局之覆書。已認爲滿意。但尙有一重要之點。即華當局是否有誠意實踐所言。倘無誠意。禁止一切排日運動。日軍當必隨時取必要之行動。不再先行予以警告云。十九路軍當時憤激異常。惟中央一日之間。三次來電。着忍辱求全。并電知蔡廷楷。謂已派顧祝同及首都憲兵一團來滬接防開北。蔡軍長至是。知蔣介石恐十九路軍擅動難制。特調顧祝同部求滬緩衝。乃電中央辭職。并允即日退防。吳亦接京求電。特完全接納日領事之要求。吳遂下令公安局解散反日團體。日領對此。亦着認爲滿意。詎日司令鹽澤。竟于廿八日晚。即用鐵甲車八架。武裝電單車三大隊。由虹口分數路攻入華界。時翁旅第六團張君崧。已奉命退駐淞滬鐵路以西一帶。故日軍入鐵路以東。如入無人之境。一舉而佔天通庵車站及北站。時北站尙有張部駐軍。即電張團長請示。張即電翁請示。翁

命開火抵抗。隨自率一團到北站防守。即親上火線。協同張團長指揮。卒以地形不利。退出北站。翁以日之鐵甲車。非我軍步槍手機關槍所能制。乃命各部隊盡登要隘各民房。發給大幫手留彈。靜伏以待。日軍見我軍已退。即長驅入闖北。詎知我軍居高臨下。於其大隊鐵甲車通過時。兩旁由樓上以手留彈擲下。各路伏兵。即乘起攀登車。與日兵以刺刀肉搏。此時喊殺連天。日軍電單車隊。以無掩護。盡棄電單車而逃。鐵甲車退却不及。被我軍截獲者二架。餘均退走。翁張見日軍兩種武器失效。即率步兵向北站反攻。此時區師長壽年亦至。區翁張三氏。盡一夜之力。恢復北站。至天明。蔡軍長馳至。開始籌商全局應戰計劃。即決定移司令部於某地。避免日軍飛機。暫取守勢。二十日願祝同來滬亦表同情抗日。於是兵刀大增。其時中央政府和戰兩派辯爭數日。不能決。惟待決於汪精衛。汪氏在議席上。不發一言。因之卒不能決。有退而叩具故者。則謂兩方均有相當理由。事關重大。故予亦不能遽決云。獨孫科始終主強硬。馮玉祥李宗仁李濟深等協力其議。孫知十九路軍款絀。立提私財二十萬元送蔡精軍。並召

集在滬中委會議。爲十九路軍後援。陳銘樞聞訊來滬。成立十九軍辦事處。其時各地學生民衆。到軍部請投軍者。日凡數千人。毛維壽師未奉政府命令。自動開拔。滬。南京各界聞毛師開拔。一時自動舉行歡送者凡數萬人。既而領事團出而調停。商議停戰。十九路軍派區壽爲出席代表。日領事我方表示停戰條件。並即開列數款：(一)日兵須於廿四小時內。盡離滬境登艦。駛出吳淞口外。(二)請各國領事保証日軍。再有擾滬事情發生。(三)請各國領事制止日軍藉公共租界爲作戰根據。否則我軍必要時追擊入租界。所有損失。歸日政府負責。(四)須日領事向我中央及滬市府道歉。此條件提出後。領事爲之瞠目良久。各領事亦爲咋舌。後日領事要求陸隊退回租界止。區氏亦不允。卒定三日內請示日政府答覆。然未及三日之限。而日軍已再攻吳淞南北。我軍早知其爲緩兵計。乃三五成羣。匿小弄內。一聲號起。四面包圍。以機關槍掃射。日兵死二百餘。退却。廿九晨。寶山路華兵以步槍擊落日機一架。落商務書館總廠門口。該館編譯所、印刷所、總務處、及東方圖書館、全燬。書本灰燼。瀰漫天空。損失近千萬。更有

宋元古籍及海內孤本。均付一炬。寶山路民房及北站貨棧。焚燬殆盡。損失數千萬。是日晚。中日軍猛戰。我軍佔日海軍司令部。日領向市府請求停戰。計是日擊落日機四架。二日晨。日軍突向我關北襲擊。當時各地人民奔避。途爲之塞。女哭兒啼。哀聲震天。三日晨。日機十架。列隊翔擊界示威。另飛機四架。向我軍陣地作低飛偵察。擲彈數十枚。被我軍擊落一架。寶山路中興路曹家渡四五處。毀屋傷人。又兩機在英界擲二彈。傷三華人。是日中外輪十艘。載難民離去。

(未完)





馬援史畧

馬援、字子淵。年十二而孤。有大志。曾師事潁川蒲昌受齊詩。不守章句。同里朱勃。年十二。能誦書詩。辭言嫺雅。援見之自失。其兄況知其意。酌酒慰之曰。一朱勃小器速成。智盡此耳。卒當從汝稟學。勿畏也。一援長欲就邊郡田牧。况曰。一汝大才當晚成。良工不示人以朴。且從所好。一將行。况卒。守墓期年。或荐援爲郡督郵。送囚至司命府。囚有重罪。哀而縱之。亡命北地。寄居任氏。援爲之牧畜。嘗曰。一丈夫立志。窮當益堅。老當益壯。一因處田牧。五穀緊熟。牛羊茁壯。乃歎曰。一

凡殖貨財產。貴其能施賑。否則守錢虜耳。一盡散與兄弟戚友。未幾。王莽從弟衛將軍林。辟援爲椽。荐之於莽。任爲新成大尹。友莽敗。轉留西州。往歸隗囂。以爲綏德將軍。時公孫述據蜀。援素與述同里。囂使往覘之。詎述聞援至。盛陳陛衛。以延捷入。鄙之。因辭歸。囂又使援奉書洛陽。光武獨坐迎笑謂援曰。「卿遨遊二帝間。今見卿。使人大慙。」援謝曰。「當今之世。非獨君擇臣。臣亦擇君。臣與述同里。少相善。曩見之。陛戟而進。臣今遠來。陛下安知非刺客奸人。而簡易若是。」光武笑曰。「卿非刺客。願說客耳。」援曰。「天下反覆盜名字者。不可勝數。今見陛下恢廓大度。同符高祖。乃知帝王自有真也。」按歸。向囂力言光武恢宏仁厚。囂將王元等不願歸漢。竭力沮之。援遂挈家眷歸洛。屯田上林苑中。資以生計。惟不忍囂亡。書勸歸漢。囂得書大怒。後發兵拒漢。光武召援計事。囂於帝前聚米爲山谷。指畫形勢。遂進軍。囂衆大潰。後囂恚憤而死。光武拜援爲太中大夫。副來歙監諸將平涼州。歙奏言援有幹濟才。復璽書拜援爲隴西太守。援發騎破先零羌於臨洮。但羌虜未盡服。泊擊

之。中矢貫腓脛。光武賜牛羊數千勞之。援盡班諸賓客。是時朝臣以金城破羌之。遠遠多寇。議棄之。援上疏。議遂罷。建武十三年。羌與塞外諸種來寇。援奪其水草。羌窮困。悉降。隴西安靖。還公府。奏請復鑄五銖錢。光武從之。天下稱便。時卷人維汜弟子李廣。聚黨攻沒皖城。勢甚大。援平之。又有麋冷縣雒將之女徵側者。與其女弟徵貳反。攻沒交趾。寇略六十餘城。光武璽書拜援爲伏波將軍。率軍征之。卒斬徵側徵貳。傳首洛陽。封援爲新息侯。但徵側餘黨都羊等勢尙盛。援復平之。鑄銅爲柱。立于交趾。爲漢之極界。交趾人喜銅鼓。援得之。以鑄銅馬。方援奏凱還京。故人多迎勞之。援曰。一方今匈奴烏桓。尙擾北邊。欲自請擊之。男兒要當死於邊野。以馬革裹尸還葬耳。何能臥床上在兒女子手中耶。一建武廿四年。武威將軍劉尚。擊武陵五溪蠻夷。深入軍沒。時援六十二。復請行。帝憫其老。未許。援披甲上馬。據鞍顧盼。示尙可用。帝笑曰。一鑿哉。是翁也。一遂遣征五溪。進營壺頭。賊乘高守隘。水疾。船不能上。會暑甚。士卒多瘕死。援亦中病。穿岸爲室。以避炎氣。賊每升險鼓譟。援輒曳足

以觀。左右哀其壯。莫不流涕。未幾死於軍中。有上書譖之者。帝怒。援妻子惶懼。不敢以喪還舊塋。惟買城西地數畝草葬。賓客故人不敢弔。會援兄之子嚴。與援妻子草索相連。詣關請罪。帝出梁松。帝婿書以示之。方知所坐。上書訴冤。前後六上。辭甚哀切。然後得塋。當時朱勃亦詣關上書爲馬援訴云。

超然曰。大丈夫處世。當光明磊落。若援者。誠光明磊落之大夫也哉。論者不察。每以援事隗囂不終而非之。抑何不恕。抑何不智。至其誓死邊野。馬革裹尸還塋之概。迄今思之。猶凜然如在。吾但惜乎其生於君主專制時代。忠而被謗。死且累及妻孥。草索相連。詣關請罪耳。苟其生於倭寇日深之今日。能若是。國民馨香尸祝之。當百世不衰也。尙有累及妻孥者乎。吁。伏波將軍。



社會一般

賭徒奇遇記

卓凡投

凡人之榮枯得失。壽夭窮通。冥冥中如有主宰焉。諺云。天有不測之風雲。人有霎時之禍福。其然豈其然乎。茲篇所紀。亦其一也。市東某找換店。蓄某。渾名高佬。紀元前乃父所設之找換店。因生意不前。以至倒閉。高佬黃驟失所倚。潦倒半生。且疾染芙蓉。無可爲計。欲重操故業。苦乏資本。一日胡思亂想之餘。忽而非非入夢。旋見先祖迎面來。笑謂黃曰。好孫兒。無庸相憂若是。明日清晨逕入城中。定能心中雀躍。欣喜欲狂。大笑數聲。一覺醒來。却是南柯一夢。時值反正後未幾。黃以久困家園。每欲入城遊覽。藉舒沉悶。現恰逢斯夢。更加決意一行。翌日晨興。吹其兩口鴉片。精神煥發。健步如飛。行至三元坊開口土地前。忽觸物一包。砰然

作响。疋亦微痛。拾而視之。則黃白物也。核之得青蚨十翼。黃暗忖夜來之夢。謂滿意而回。現雖拾此遺金。然僅區區。徒博欣悅一時。奚稱滿意。繼猛然一想。忽而悟曰。此地未是城裏。後仍繼續前行。囊此意外之財。沿途縈思不已。行行重行行。迨至西門口。正貯足凝思。陡聞四方城中。人聲嘈雜。鼎沸不堪。黃亦個中老手。隨聲而入。見甲戰破十餘陣。擄敵數千。迭克名城。黃龍直搗。黃不覺油然而技養。即將拾得之款。作背城借戰。與之盤桓。果也天從人願。迭奏凱旋。計由西門起至城隍廟止。所至戰無不勝。攻無不克。綜計是日得款四千餘元。誠不愧滿意而歸矣。黃以乃祖有靈。即日延僧禮懺。登時門戶增光。於是重操故業。以後一帆風順。迄今已腰纏十萬。妻妾盈庭。面團而團作富翁矣。噫。如高佬者。誠倖運哉。

趣話拾零

有甲乙二人。甲抱犬。乙執鷄。同登車。甲顧乙曰。鷄置車中。不防撒屎

乎。乙曰。野鷄豈無屎耶。此野鷄車。既可載野鷄。而不防屎。吾寧獨載家鷄而防屎乎。相顧而笑。黎至中途。鷄忽振翼欲逃。甲復笑曰。防走鷄也。乙曰。汝則走狗也。同車者咸捧腹不已。

中學教師某甲。一日上堂。學生以其神怪可笑。不以先生稱。而稱曰師傅。某怒。但未形諸色。學生復以師姑稱之。益怒。無已。忽轉顏爲笑曰。汝稱我師姑。我說一師姑趣事與汝其聽。亦樂聞乎。衆欣然。甲曰。一日。有師姑閒立巷間。遊目四顧。有童子過其前。偶放屁一聲。咕。彼聞之以爲喚彼也。遂應之。言未已。乙生起曰。先生謔人何甚哉。衆茫然。甲故曰。何居。曰。設加一等號（即比喻）即笑我也。蓋先生以師姑自等。以童等於我。放屁「咕」一聲。即等於我稱先生爲師姑。而以放屁之處等於我口也。衆爲之哄堂。

顛新娘大鬧嘉筵

秋聲投

俗語謂「賢妻不孝子頂趾鞋無法可治」可知娶妻不賢。猶如鞋之頂趾。則其苦况亦可知矣。以故擇偶不慎。則夫妻之間。勃谿時聞。或更有甚於頂

趾鞋者矣。

古禪之鄙。涌濯之湄。有梁某者。本屬窶人子。編樞製脯。四壁蕭然。一身之外無長物。其所藉以爲餬口之資者。則販賣什物。西走東奔。穿街過巷。不辭勞苦。幸其爲人勤儉謹愿。絕無嗜者。雖屬蠅頭小利。亦足供濕飽存餘。由是異月經年。積其節衣縮食之資。得二三百金矣。梁自念年屆三十。未賦河洲。則以無後爲憂。二則以單調生活爲苦。遂悠然而興家室之念。因出所藏。倩蟻媒爲之擇配。會附近有霍氏孀。年逾半百。膝下獨有一女。小名亞愛。亞愛與梁固年相匹。而貌相若。驟見之下亦稱佳耦。因媒撮合。遽下鏡臺。庸詎知亞愛宿患神經病。有時癡性發作。則毆人毀物。莫可馴止。以是標梅久愆。尙無人問字。霍氏常引以爲憂。此次得梁承受。暗喜冤猪頭得遇盟鼻菩薩。月之中浣。梁舉行親迎。冀雁之夕。亞愛尙無甚異動。惟覺其滿臉含笑向人。及三朝梁某循例往岳家謁祖。霍氏亦設筵款待。詎料酒過三巡。而亞愛之癡性陡發。從其姊妹堆中奔出。直至梁前。聲言須臾之痛飲爲快。手舞足蹈。傾酒肥肴。又憤而擲下碗箸。

○諸人制止無效。梁賭狀悄然不歡。乘忙亂中潛行遁去。深怨得此癩婦。枉耗金錢。○惟暗呼不值而已。

○執袴子淪作琴僮

卓凡按

臨崖勒馬收疆晚。船到江心補漏遲。此二句不愧爲輕薄少年之座右銘也。市西物華天寶之街。大廈渠渠。中有張某者。二世祖之流亞也。十年前。其父本政海紅員。積得孽錢不少。家中一妻一妾。樂享齊人。生有二子。長子名裘。嫡出。頗能守成。次子卽張。甘蔗旁生。石榴不過（俗稱亞奶仔）金石榴。自幼嬌生慣養。執袴性成。及長。善修飾。工踢索。終日粉面油頭。四方取樂。非歌台舞榭。則楚館秦樓。嫖賭飲吹。無微不至。未幾乃父撒手塵寰。張以財權到手。節哀順變。暗中雀躍不勝。乘勢超度亡靈。○挑選妙尼。旋在市西某菴延得比邱尼歸家作法。中有妙尼名女傅。年華二九。麗質天成。詞翰粗通。令人羨慕。張數月廝磨。兩情繾綣。女傅亦以個郎柔情款款。多貌多財。藉此週旋。俾遂歛財技倆。繼以孝堂春色。萬目睽睽。遂假靜土菩提。暫爲樂國。惟是歲月蹉跎。耗金不鮮。張間遇

青黃不接。則冀賭博彌縫。似此行爲。雖有鄧氏銅山。亦覺難於應付。況無郭家金穴。豈不羅掘俱窮。不數年間。變產賣田。消耗靜盡。時則阮囊羞澀。金盡床頭。其母以子也不肖。憂鬱而終。其兄以弟也無行。親情斷絕。由此半生潦倒。加以黑日米維艱。後任河南某仙虎窟當琴僮。得免捱飢抵餓耳。下走日昨偕友暢叙是窟。得窟主述其身世。且見其向仙人道友追述當年事。搖首歎吁。十載揚榮真如一夢矣。

☀ 淫徒蒸庶母之慘報

壽雨投

輓近慾海怒濤。倫常乖變。雖親如骨肉。亦常發生戀姦。種種奇形怪狀。雖有秦鏡溫犀亦難燭照靡遺。有心世道者未嘗不搖首太息也。然而顛倒五倫。真如狗彘。不特人所不齒。抑亦天必厭之。使其無良好結果而後已。昔者獻公之蒸齊姜也。卒致國家之變亂。夷吾之蒸賈君也。卒受韓原之敗擒。是則報應之道。固歷歷不爽也。吁。豈迂論哉。有馮伯于者。廣粵人。年逾而立。萎靡不振。深染芙蓉癩。日非數錢不爲

功。故其形容枯槁。面目黧黑。飄飄然仙風道骨。母早喪。妻某氏淑而賢。父業雜貨。居於馬為墟。生涯頗不寂寞。晚年納一妾以便奉侍。年約花信。薄其姿色。好修飾。治而蕩。一雙秋水撩人欲醉。入門後馮與之旦夕相處。爲其蕩徒所吸攝。不禁心猿意馬。默念遂生。終日胡思妄想。如醉如癡。惟以倫常所在。名義所關。且老父在堂。監視週密。故野心雖存。亦莫敢作軌外行動也。迨後父以風獨殘年。一病不起。易簀囑伯于曰。吾不久卽離人世。然吾老矣。死何足惜。其如汝庶母年少無依何。倘吾有不測。須善視之。慎無苛待。否則吾必爲厲以懲汝。定不汝饒也。馮唯唯。迨父卒竟置遺囑於不顧。反視爲無礙進行。乃向妾入以柔詞。殷情款款。藉博其歡。無如妾雖蕩亦不爲所動。蓋以母子名份。烏可顛倒。安爾造次。是以波瀾不起。漠然視。馮雖窮其技亦不得逞。然不因此而戢其獸心也。一夜妾處室中操女紅。時維盛夏酷暑逼人。妾熱不能耐。乃步出乘涼。臥於門前石條上。特別涼風飄拂。沁入心脾。不經不覺呼呼睡去。詎蝶夢甫入。忽覺有物壓身上。沉重不堪。大驚而醒。則爲一人所覆。諦視之。非

他人。乃其子也。

原來妾當酣睡之際。適馮由外返。視海棠春睡。嬌豔滴滴。不禁獸性大作。竟拋倫常於九霄雲外。罔顧一切。逕則污之。比妾醒時。事已無及矣。妾陰念事已至此。夫復何言。嚙其臂而謂之曰。他日黃泉路上。有何面目見爹爹。須顧折墮。死不得其所也。馮嗤之。反譏爲迷信。從此母子戀奸。如膝似漆。名則母子。其實則夫婦不離。不復知人間有羞恥事矣。久之漸爲妻所悉。乃進以箴砭。責以大義。勸勿作此獸行。以免天殛。弗聽。反不顧其妻。其妻以如此污穢家庭。勢難善終。遂抑鬱以沒。馮益肆無忌憚。胡帝胡天。非筆墨可以形容。不意春風頻度。妾竟豈寇含胎。誠恐外人察破。投諸濁流。急商維持善後。馮乃掩人耳目。詭謂偕母出遊。挈妾來省入醫院墮胎。耗其藥資百餘元。事畢始回家。而外人猶不知也。然而顯倒倫常。天所不恕。馮以色慾過度。兩足如棉。不能步履。遂成癱瘓症。變作廢人。惟有困處室中。不能兼顧店務。生意遂倒。未幾。又染肺癆。肺葉穿爛。食不下咽。寢不成寐。稍言語便氣喘如牛。聲線低沉。或斷或

續，日咳嗽凡數十次，無時或已，日咳必咯血，咳時牽動肺腑，痛刺不堪，日夕呻吟牀褥，辛苦異常，雖遍延名醫診治，亦藥石無靈，纏綿數月，病狀益加，痛苦益劇，奄奄一息，行將斃命，當臨終之夜，方閉目養神，忽而大號一聲，猝然起坐牀上。汗出如雨。面白唇青。手足顫震。妾急詢其故。初不能言。及驚魂稍定。始頓聲曰。吾命休矣。吾命休矣。頃見父立床前。滿面怒容。睜目喝余曰。余之遺囑。言猶在耳。竟作禽獸之舉。尙豈得謂人類乎。吾待請於上帝矣。特來提汝落陰曹。受刀山鑿床等刑罰。且永不許再托生爲人。父卽欲牽余去。予急與之力爭。是以恐懼耳。言已。倒回床上。手足掙扎。轉輾反側。咄咄呼痛。若無限痛苦者。既而大吼數聲。咯血數口而卒。嗚呼。馮之所作所爲。有禽獸之不若。宜其有此慘報也。特紀之以爲世習。

狗蛇之門

世人往往因一念之間行善與惡，而禍與福卽由之者，往聞友人盧伯朋

言，其兄廬大居廬中，治田園，數十年未去其家，往歲忽無病而軀體羸瘦，面色萎黃，自意飲食如恒狀，以爲所居地卑濕而致耳，有一日晨起，少立門次，見有族人持繩牽一黃狗過，狗不肯行，族人強引之，黃狗吠不已，盧大問安往，族人曰，吾持此狗拉屠肆，狗知無好意，故不肯行，此時黃狗竟走匿廬大後，汪汪然作哀聲，盧大憐之，命釋狗，出錢償狗價，族人得錢去，盧大引狗入室，室爲廬大一人獨居者，日午，盧大以事出，閉狗室中，抵暮歸，啟扉時，詎見黃狗及一長蛇鬥死地上，狗口猶齒蛇項未釋，而蛇之尾段猶纏狗腹也，觀狀驚極，念茲室門窻皆閉塞，蛇何自來，而未必有其處。乃大搜室中，於床下見一穴，通於隔壁之廢圃，因知蛇來自此。於是思此狗。葬之。嗣後體貌漸豐。羸瘦之疾若失。夫廬大者。非有過人之智。特因少動其惻隱之心。釋狗於刀俎之厄而已。初不知卽日食其報也。世之人好言因果報應之說。如此事者。其亦中於因果報應之說也夫。

徐花穠取士趣史

千里月投

歷朝宗師之取士。無不以文章之優劣而定去取。惟徐花穠則不然。徐花穠者。滿清末葉之。考宗師也。其取士乃不注重於文章之優。而注重於相貌之美。誠為別開生面。當其在某府考試時。已是如此取錄。暨慶人士經有所聞及其來肇慶考時。肇慶人士莫不預購華衣。以備入場穿着。而藉增一二分姿色也。一時肇慶城綢緞店均皆售賣一空。利市三倍。而徐宗師則預僱糊匠住學宮內搭一宗師臺。為宗師所坐。另用花簪搭一度所謂九曲文欄。每曲必彎至宗師臺前。為入場所必經者。至應考之日。各士子均穿綢着緞。衣緣披紅。甚至油頭粉面者有之。眉黛朱唇者有之。時綺羅繁華。六朝宮粉不啻也。徐宗師則高坐臺上。由巡場之所謂大班狗者唱名遞卷。應到者循九曲文欄曲折而入。徐宗師則雙目爛爛而注視之。若貌美者。則擦額微笑。并以其卷中記一暗號。貌平庸者則不然矣。至若貌醜者則怒形於色。會自一而貌極醜者。徐宗師見之。不特怒形於色。竟另架一題。立下驅逐之令。不准與考。及至放榜時。其所取錄之士。無一不是年少翩翩而具有姿色者。故當時四城門均滿貼徐花穠揀女婿之白囑云。噫。亦趣事也。

☀娶婦成服之怪舉

朗如投

世之兒女。在成婚未娶前。如遇有父母之喪。須俟三年服闋後。始能舉行婚禮。世人以三年之期爲時太遠。每有因各種關係。不能久待者。故有娶婦成服之舉。此固折衷辦法。似未可厚非也。世俗多尙繁文縟節。於違遭大故之際。猶不肯居而而行。且更無中生有畫蛇添足。致弄成種種怪舉動。抑何可哂。鄉人某甲。年已廿許。由父母作主。與隣鄉某氏女定婚。擬於今冬迎娶。詎去月甲父一病不起。彌留時囑甲娶婦歸來成服。甲不違亂命。依言而行。俟其父氣斷後。着人通知岳家。其岳以俗例所尙。不便攔阻。祇草草遣嫁。甲以預備舉行婚禮。是以並不上服守制。與平時無異。且另稅一屋。以備舉辦喜事。迎娶日甲且吉服掛紅。與新婦同赴祠堂謁祖。更大排喜酌。以饒親友。其慶鬧無異尋常。外人見者實不知其爲正處苦塊中也。新婦拜堂後。始與新郎同喪居遵禮成服。如此辦理。已爲有智者所慮。然猶有怪者。當新婦到喪居時。先以床帳罩死者之棺。而以一人匿

於帳內。新婦以茶奉之。其人即伸手帳外以接。新婦在帳前叩拜。敬呼老爺。(媳呼翁統稱老爺)。其人在帳內應之。三呼三應。一如其翁未死。如是者凡七日。早晚行之。以示晨昏定省之意。自欺欺人。殊屬無謂之尤也。喪事已過百日後。始許新婦圓房。甲素性純孝。雖知無後爲大。然不忍父骨未寒。而享此閨房之樂。決意俟三年服滿而後入洞房。果能如是。亦可嘉也。但新婦初歸時。而有此種種趣怪舉動。可見習俗移人。賢者不免。願負改良社會風俗之責者。有以整頓之。至其僞作癡癲。而匿於帳內之人。如翁死則用男子。姑死則用婦女。新婦之敬茶呼叫。無分翁姑。一律照此造作。世人諱忌。皆以冒認死者爲不祥。多不願受僱。必須主家用重資僱請。實多一筆無謂開支。爲節儉計。此舉更宜改革矣。





▲淘米水用法

- (一) 洗濯用 白布白衣服以淘米水洗之極易變白沸而用之更佳洗夏布尤宜
- (二) 化粧水代用 以淘米水洗面與手則冬不皮暉但米內含砂與石灰者不宜
- (三) 除漆器之臭 以極濃淘米水洗漆器則臭氣除去
- (四) 肥料用 可用以作花盆及野菜類之肥料又爲石上生苔之妙品
- (五) 療大便秘結 將淘米水和甜醬水每日早晨服一杯則大便通利

◎殘飯及麵屑利用法

- (一) 製麵糊 以飯粒入袋浸水搾出可爲漿糊
- (二) 作飯餅 殘飯多時加糖與監與水入器內搗和製成圓餅在鍋中油煎之

(三)麵屑製醬 麵屑刮為粉末可以製醬

(四)飼雞鴨 殘飯與麵屑畧加水分可以飼雞鴨及一切畜類

▲魚骨魚鱗菜葉利用法

(一)魚骨 置於溫處待其腐敗可作肥料魚之內臟亦同

(二)魚鱗 以水煮之略加鹽酒及蘿蔔或青菜之類湯甚可口

(三)菜葉 可用以洗碗皿之附着油氣者又可飼家畜

▲蘿蔔 莖山芋皮利用法

(一)蘿蔔莖 其乾硬不可食者以繩吊於廊下不可淋雨待十分乾燥入釜煮湯

以洗身體能活血養生又將其頭打汁洗白襪勝于肥皂

(二)山芋皮 將曝於日光中待乾燥入舂中椿為細粉以篩篩之可以相於米粉

作糕糊味美可口

詩

林

雨後僑安樓頭晚景

晴暉

雨後羣山新畫眉。闌干斜倚夕陽時。溪邊尚有釣翁在。領畧風光祇自知。

其二

廷章

夕照危樓溪水邊。憑欄遠眺淨無煙。群峰歷歷新晴後。樹上黃鸝唱晚天。

其三

廷章

雨洗羣峰一色青。依山落日映紗櫺。噪晴尚有空中鶻。使我樓頭傾耳聽。

解愠亭朝景

亭在古井公安分尉後局長李德新顏之曰解愠亭

晴暉

老榕三五小亭前。曉雨新晴帶淡煙。葉底蟬聲沉復響。覽餘聽罷復成眠。

其二

前人

昨夜微聞風雨聲。事前猶滴知初晴。黃鸝不解斯人意。偏向叢林枝上鳴。

解愠亭晚景

富

樾蔭構亭處。南風無限涼。白雲生遠岫。落日照幽篁。小鳥叢林嘯。羣童流水觴。漢書閒閱罷。楚竹煮清湘。

送傅懋傳威英穠銳楠善照諸君之英廣臨君之美 灼熾
勞燕分飛各一方。榴花五月送君香。黯然最是傷離別。惟待他年共舉觴。



泰西格言

師傅過嚴失自立之志

師傅過嚴則兒童之心為恐怖所充塞無餘地以容他事

施教育以兒童之快樂為主

勉強多教以不能受之物是壓制智識而阻礙其發達

冗蔓之講義徒驚駭兒童而擾亂其心

有阻力少年聞頌贊豪傑之言感動于心故欲博同等之頌贊而奏同等之功業
幼習于善則終身不變猶刻字木皮木長字亦長

一生之道路在發軔時方向既定可決其將來

幼年之習慣成老年之天性

惡模範如傳染病

以空言教不如以實行教

模範比教訓其入人心尤深且速

兒童之目智識之門戶

兒童之心巨大如倉庫

生徒將示之禍福在教師之掌中

國家基礎在少年教育

教育非能變換人之性質不過善為修繕之

為法律所保護方為權利

天下有強權無平等

民不守法可以法防之法如不善致民之惡則不可救

人身有病可以藥治若以藥生病則愈病愈藥愈藥愈病不死不已權利屬最弱者

代(郵)

崇博兄：辱賜書，外情領悉。家鄉情形，無甚可告。順祝旅外康健！

世添廷飛復

英三兄：惠來佳詩二首屬和，業經如命，並登載於七九期矣。即希查照！

烈暹廷飛

復駐雲僑安會函

逕啓者現准

貴會函開(一)陳典誠告白一則希登載三期出版時就近交與陳典照與飲各一

本存據(一)月報每期請寄一百八十本以應批發(二)寄上銀業公司撥股錄二十八本收條部一册章程百餘份(四)財政主任林顯爵君有事回國現推舉廖崇莊君接任希爲查照各等由准此均已照辦相應函復
貴會卽希查照此致

駐雲僑安會

沙堆僑安會

廿二·六·三十。

致駐古巴僑安會函

逕啓者現下月報經費非常支絀甚望

努力勸捐並希將日捐得之款卽日滙歸以應支付爲荷此致

駐古僑安會

沙堆僑安會

廿二·六·三十。



(告) (白)

聲明告白

啓者、茲閱僑安月刊。第七十八期。欄內登載僑安會。第六次會議。有會員余灶裕。請求致函總會。催促李其利。將承項參利。及該號以前生意溢利。歸交總會。轉滙本會。代爲貯存。并余和好。與李其新。合做瓜菜欄。余和好名下棄權。貴回伊子、灶內、灶裕、管理等情。讀之、殊深詫異。豈知當日會議。鄙人與母親。絕不知情到會。顯係胞兄灶裕。立心不良。欺陵我母子所爲。况參利、與二利瓜菜園。二號生意。係先父余和好生時。立有三子分單。指定、參利二利、二號生意。貴鄙人三子灶深管業。迨先父去世。胞長兄灶內旋生。又經僑安會諸公。提出分單討論。胞兄審會將分單承認。親自簽名。并與其胞弟灶裕代簽。分單炳錄。隨由僑安會。

見李其新返鄉。召集議決。委托李其新。代鄙人主持。出頂參利。二利。二號生意利權。代爲料理。昨經李其新。承命頂受參利開列所有金銀若干。并未頂以前參利之利。統計開列有單。付回有據。今日胞兄灶裕。那能越權辦理。似此行爲。難保無騙我應得之權利。茲登報聲明。仰望內外諸公察悉分別。慎勿爲其愚惑。俾得保全我子母應有之權業。以爭先父原立分單。實級公誼。此佈

民國二十二年舊曆五月十五日沙堆鄙人余灶深謹白

廖崇典啟事

啟者。弟此次復往英國。在鄉間首程之前。蒙

松竹梅諸兄弟朋友。設酒盛饌。隆情厚意。感激莫名。但以行期匆促。未能向松竹梅諸兄弟朋友暨僑安會達善醫所諸同事。一一道別情衷。深爲抱歉。謹登數言。以鳴謝悃。並以話別。

二二二，六，二〇。

李祐海偕侄積德啓事

(登載三期)

先兄祐宇。曾娶再醮婦黃氏爲妻。無子祇由黃氏帶來女兒一口。業已長大嫁人。詎黃氏邇來將先兄遺下財物。盡行願給伊女。若非加以制止。先兄一生血汗所積。盡被黃氏化清。用特登報聲明。凡黃氏將先兄名下之田地屋宇生意股份。作典押按揭等。概作無效。希各兄弟梓里週知。勿致自誤爲幸。此啓。

中華民國廿二年五月五日

重修廣州廖氏書室捐款收支列

廿一年二月十一日收崇熙來灰紙銀二百六十元
又補水銀一百零四元

三月初一日收雅英叙倫滙來毫銀九十元零八八
十一月廿八日收廷章帶來毫銀三十二元四

三月初一日收崇郡捐米毫銀一元

以上共收毫銀四百八十八元二毫八仙

廿二年五月卅日支崇美手帶交留省學生毫銀四十元

支滙交子求治安廷錦泉榮社利潮贊等收毫銀四百四十七元二毫八仙
支告白費銀一元

以上共支毫銀四百八十八元二毫八仙

理財人廖烈鎰啓

(注意) 陳典誠緊要啟事 (登載三期)

茲啟者。鄙人遠適異國。惟留妻室宋氏在家。而其不守三從之道。以失婦德。越深痛恨。至於民國拾九年間。則立意不良。盡將鄙人所留下家中各等器具。檯檯檯棹。竟行私相授受。盜押與人。挾帶家財。及誘携小女

一口。名玉潔。一並私逃於外。去如黃鶴。無影無踪。但其如此鬼域。荒謬行爲。若依家法鄉例而論。實難寬恕。鄙人爲因地北大雨。河山阻隔。每歎縮地無能。故此未從追及。以留後究。想彼賤婦宋氏。不法行爲。故與其絕交。是以特在月刊登報聲明。共其脫離夫婦之關係。而女玉蘭。則亦斷其來往。免于他日是非多端。如其母女。或向別人處生有銀兩等情。無論以前以後。所有大小賬項之數目。可向其宋氏母女討償。一概與我無涉。今在報章特字聲明。仰各處親朋。四方君子。幸祈留意焉。勿作河漢可也。惟鄙人家中產業。稅田租穀等。現托于吾家嫂氏。代爲管理。供給於梁氏所生子女讀書各等經費。從此以後。宋氏母女二人。不許歸來霸佔產業。藉口生端。亦不得回家居住。倘敢恃頑不遵。私回亂作舉動。懇請我輩中父老昆仲。男女同胞鳴鼓而攻之。繩之以羈法。斥逐於他方。免其

踐污我們之鄉土。是所切禱。

中華民國廿二年舊曆五月 日 旅加屬 沙堆鄉東成里 陳典誠謹啓

旅古共和旅所喬遷通告

爲通告事遵照本所喬遷議決案準于三月九號實行遷于本灣省下街十號門牌
凡有城山名埠及各國鄉僑戚友若有文件來往請照下列門牌付來無悞此佈

CON WOO LUIZ SOL

Calle Finlay Num. 10 30 piso

HABANA, CUBA

中華民國廿二年三月六日

共和旅所啓

僑安月報 告白

八七

沙堆僑安支會年刊報社成立啓事

公啓者本社根據公安支會是屆第一次大會議決組織同時宣告成立敝同人等才慚襍線技乏雕蟲對於新聞常識素未研究一旦卒爾操觚深恐貽笑大雅所望各界人士示周行以文其陋尤望四方鄉僑與助力而玉其成此則同人所引領以待者也茲將本社章程及職員表錄后幸維垂鑒之

▲章程

- 一 定 名 本刊定名爲駐古沙堆公安支會年刊
- 二 社 址 附設于沙堆公安支會
- 三 宗 旨 本刊聯絡僑情整頓會務改良鄉政勉赴國難爲宗旨凡偏倚黨派攻訐他人之言論概不登載

四 性質 本完全屬於義務性質不設營業部

五 經濟 本社經費向我各方鄉僑捐集之外界人士有惠然樂助者極表歡迎

六 刊期 本刊以一年為期每年於十一月初旬付印

七 職員 本社職員均當義務不支薪金

八 歡迎投稿 (甲) 凡海內外人士對於僑務及國計的有關係之文字

(乙) 凡區內外新會第九區人士對於敝鄉及敝會的有關係之字

(丙) 凡鄉內外人士對於以上兩項的言論及各種藝術的貢獻

(丁) 來稿每篇長不得過三千字

(戊) 本刊編輯對於來稿有刪改之權探錄與否原稿恕不奉還

(己)來稿如經取錄後敬酬本刊一冊以答雅意但卷尾當註明作者姓名住址以便通訊

九捐款獎例

(一)凡捐款不滿一元者本刊證信錄登名表揚之

(二)捐一元至三元者向證信用頭號字登名表揚

(三)捐三元至五元者除登名表揚外另將原四寸相片用電版印於僊首

(四)捐五元至十元者除登名表揚外另將原人六寸相片印於卷頭

(五)捐十元至廿五元者除以上獎勵外另鑄銀質徽章一枚奉贈以留紀念

(六) 捐廿五元至五十元者除以上獎勵外另由本社將原人二寸四寸相繪就懸於會堂以留紀念

(七) 如有捐五十元以上者當由本社呈報本會大會特別嘉獎之

十 本章程有未盡善之處得隨時集修改之

◎職員表

社長 廖仲卓 曾其林

總編輯 曾士英

編輯 李華進

校對 陳安 曾觀棟 宋炯棠 胡耀培

營業月報 告 錄

撰述 胡世樂 廖廷暢 蕭亮如 曾廣祥 鄧連枝 廖崇銳

林舉椿 廖崇雁 曾保華 胡衍益 曾紀猷

繙譯 胡德彬 應海山

收稿專員 吳雲佐

財政 林英明

勸捐專員 胡昭湛 廖勳有 吳雲佐 林華效 廖崇灶 曾澤猷

陳安

通訊處生耳過解一百零六號樓上卷亭省下街

元月十八號

古巴灣城沙堆公安支會年刊報社啓

興 業 公 司

蓮塘街

HING HIP & CO.
38 LINTONG ST.,
KONGMOON, CANTON.
CHINA

廣東江門

本公司資本雄厚自置偉大洋樓街道適中以便

商界租賃久為稱善今更擴充營業接理英美各

埠旅外親友兄弟來往滙單補水時價妥當快捷

倘有意外十足賠償如蒙 惠顧格外歡迎

梅閣鄉每百扣工三元

沙堆鄉每百扣工貳元

蔣本可

林英奇

全啟

廣安昌金山庄

◀號二十二牌門街樂永港香▶

KWONG ON CHONG

22 Wing Lok St.

HONG KONG

本號接埋外洋書信銀兩開設十有餘年資本雄厚信用穩固歷蒙外埠梓里惠顧銘感殊深茲為刷新改良起見對於銀信紙水特從最高補出務求異常快捷妥當保無意外損失之虞鄉僑往來加意招待妥當尚希留意關照無任歡迎梅閣代理仁生堂蔣道椿沙堆梅灣沙角等代理廣德昌
廖烈鎰

廣安昌

李國南
廖烈開

李賀常
蔣緒多
李雲樓

啓

香 港 德 輔 道 中

新 榮 安 金 山 庄

SUN WING ON

292 Des Voeux Road

Hongkong

附貯另行面議辦理

如有仄紙銀紙滙兌

本號專理外洋書信匯兌銀兩
 兼理鄉僑來往船位開張多年
 歷蒙梓友賜顧銘感無既茲
 因股伴廖學鍊將有遠圖其在
 鄉司理由廖崇文接充合併聲
 明其紙水照時價補足快捷妥
 當倘有意外遺失弟等應負全
 責伏祈照常關顧無任歡迎
 門牌照上列付來便妥

沙堆司理人廖崇文

香港司理人廖崇文 學鍊 偉助 同啟

◀ 號 隆 生 ▶

舖在廣東新會

SANG LUNG
Saduey, Sunwui
CANTON CHINA

沙堆墟聯義街

本號開設數十年專辦油糖海味酒米什貨燒臘餅食各款俱全兼接理外洋來往書信銀兩快捷妥當決無延悞凡匯來銀兩者照此門牌直寄每百元祇扣帶工式元泥價補水照數交足倘有損失如數賠償如蒙惠顧極表歡迎

金錢銀紙仄紙時價便換

林時爵 曾傳賀 胡世添 啟

共 信 公 司

沙
維

KOON SUN
Saduey, Sunwui
Canton, China

廣
東
新
會

本公司專接理外洋書信銀兩經有多年紙水
照時價補足每百祇扣帶工銀二元且送信交
銀更為敏捷久蒙我僑胞嘉許倘有遺失如數
賠償如蒙 惠顧請照上列門牌交郵寄來
無任歡迎

共信公司
會澤常
胡儀昭
會傳譽
會統南
會家炳

安昌瑞記金山庄

廣東江門堤新慶街

On Chong Suey Kee

16 Sunhing St

Kongmoon China

門牌十六號

本號專理外洋書信匯兌銀兩交

收快捷妥當紙水照時價補足每

百元扣帶工式元如有損失照數

賠償快捷妥當本號樓上並設旅

店廳房雅潔地方通爽招待妥當

價格相宜 諸君惠顧無任歡迎

司事人李永樑謹啟

大昌銀號新張廣告

廣東省江門市倉後路六十四號

TAI CHUNG BANK
64 TONG HOU ROAD
KONGMOON CITY
CANTON CHINA

本號專做附揭滙兌找換金錢赤紙各國銀紙等生帳
兼理駁外洋各埠銀信交收快捷妥當照時價紙水補
足每白只扣帶工雙毫銀二元若有遺失照數賠足或
親交來港紙及赤紙等分文不扣本號自置上蓋連地
洋樓一座高三層在于江門市倉後路六十四號如各
客來往加意招待尙希留意關照請依照上列地址門
牌寄來無任歡迎

存款息列後

一年期週息六厘

半年期週息五厘

特別存款另議

電話一三七九

大昌銀號謹啓

路興復 市門江

紀華宋祥顧裕

Yue Ching Cheung

27 Fookhing St.

Kongmoon China

啓者沙堆僑安月刊自開辦以來已歷數載其中工作事業首重鼓吹文明進化發揚自治精神爲鄉中人民之喉舌爲海外僑胞之耳目成績昭彰誠不容多贅也歷蒙海外僑胞及鄉中諸公竭力維持進行不已其堅毅足令人仰羨弟自受委爲江門總代理無不踴躍從事藉隨驥尾誠以事屬公益敢不竭我棉力以盡鄉民一份子茲特爲推銷起見凡各僑胞梓里如有欲閱本刊者請即專函照上住址寄下俾得即行奉上以期消息靈通兼代理外洋書信銀兩交收妥當務求快捷且經理有年深得僑胞信許故特益自勉力以副僑胞栽培盛意如蒙惠顧無任歡迎

沙堆僑安月刊
江門市總代理 宋華紀啟事

香港德輔道中門牌

利華洋

LEE WAH YOUNG

154 Des Voeux Road

Hong Kong

壹百五十四號開張

敬啓者本號利華洋金山庄香港德輔道中電車路一百五十四號門牌三樓全層（即先施公司對面）地方適中專為僑胞出入利便起見兼滙兌各埠來往信銀如蒙梓里光顧將銀送到家中每百元收帶工廣毫銀四大元紙水照時價補足倘有不測照數賠償若原人親到本號收銀每百元收工佣銀二大元伏祈戚友相信不勝銘感之至專此並請
旅安

香港司庫曾澤桂

香港司庫

曾子林 林時灼
 曾家德 趙炳進
 曾紀達 廖玲
 曾其穠 曾球
 林榮鍊 聶福田
 沙堆曾澤芹
 司事陳仕
 同啓

經政府考驗註冊
準為痔科專家

痔科專家

◎(廖)◎ ◎(惠)◎ ◎(民)◎

新法
治療
內外

江門市常安路惠華藥房
新會沙堆墟惠民藥房

痔

不用針割
不痛不爛
限日痊愈
永無復發
倘有不愈
原銀奉回
決不食言

馳名

發冷發熱

黃滂潮火

退熱散

政府化驗

註冊為濟

世良藥

牙科廖頌鵬 女醫蔣月明

鉅昌銀號

QUEY CHONG

16 Sunsee Rd.

Kongmoon, China

無線電報掛號六八八零
有線電報

廣東江門新市路六十號

本號專做按揭儲蓄匯兌各埠良兩找換金銀
紙仄紙等生意兼接駁外洋銀信照時價代交每
百只扣帶工毫銀二元或有損失照數賠足快捷
妥當若親交來港紙仄紙等分文不扣欲匯返鄉
中則每百只收滙水五毫貴客光顧無任歡迎

▲存款息項列下

半年期週息

一年期週息

電話九八七號

百 和 堂

安 記

廣東江門太平路門牌一號

BAK WO TONG
1 TAIPING ROAD
KONGMOON CANTON CHINA

本店開張數載

大幫補品平沽

兼接外洋信銀

帶工每百二元

諸君留意光顧

專辦參茸藥材

各界無不稱許

認真妥捷交去

意外十足賠回

請照門牌付來

新到野山生晒人參...由一百五換至三百換

補壹號老山大抄參...由六十換至二百換

品 補 號 輝春鹿尾...廿換

時 均份三姓關東鹿茸...每份三十二元

價 超等各色應驗玉桂...由十換至一百換

總代理 胡應中著名

八寶救急萬應丹
跌打還魂真寶丸
三蛇驅風膏
熊膽珠珀膏

司理胡君 謹啓

中 央 商 店 新 張 廣 告

竹
椅
路
口

CHUNG YUNG CO.
CHOYEE ROAD
KONGMOON CANTON CHINA

廣
東
江
門



本店選辦 ● 環球貨品 ● 名廠電器 ●
 時髦粧飾 ● 種式新奇 ● 無美不備 ●
 兼理外洋 ● 各埠書信 ● 銀兩來往 ●
 快捷妥當 ● 每百帶工 ● 双毫二元 ●
 中途損失 ● 照足賠償 ● 鄉僑賜顧 ●
 請留意焉 ●

股東

宋維新
曾社松

廖崇熙
宋烈益
廖崇桓

沙堆交銀人新德隆廖崇桓

麗新號

廣東新會

LAI SUN
Saduey, Sunwui
CANTON, CHINA

沙堆開張

XXXXXXXXXXXXXXXXXXXX

本號專辦土洋雜貨中西正頭并為利便僑胞起

見兼接外洋各埠書信銀兩來往快捷妥交決不

延悞每百元祇扣帶工銀二元照時價帶水補足

倘有意外如數賠償倘

蒙光顧請照上列門牌寄來不勝感激之至時價

金錢銀紙仄紙找換

廖修鎮謹白

恒昇義記金山庄

香港永樂東街

Hang Sing
12 Winglok St. E.
Hong Kong

門牌第十二號

本號專理各埠書信滙兌銀兩開設十有餘年深蒙僑胞信許茲得藉賴以擴充特刷新改良對於紙水照足時價補還益加快捷親交妥當倘有意外損失隨即如數賠償如蒙惠顧請照上門牌寄來無任歡迎

沙堆 司理人資生堂廖宏錦天祥

香港 恒昇義記司理人廖學琛廷芳 同啓

香港恒昇義記以前各梓友所欠該號之賬而今書歸恒昇義記廖學琛廖天祥二人繼續收理特此聲明以免誤會

處訊通會支安僑巴古

Satuey Kongon Chiwoy

San Nicolas No. 106 Altos entre

San Jose y Finlay Habana, Cuba

處訊通會安僑華哥溫

Saduey Mutual Benefit Assn.

141 1-2 Pender East

Vancouver, B. C. Canada

◀ 處訊通刊本 ▶

(會支安僑鄉堆沙區九第會新)

KIUON WUI

Saduey, Sunwui,

Canton, China

編輯所
沙堆僑安支會

總發行
沙堆僑安支會

沙堆同安昌

代
江門市裕禎祥銀號

雲高沙
華埠僑安總會

古巴
沙堆僑安支會

印刷處
江門南方印務局承印

廣 德 昌

KWONG TUCK CHONG
Saduey, Sunwui
CANTON CHINA

沙堆墟聯義街

舖在廣東新會

本號專辦油糖海味雜貨開張十

有餘年歷蒙 貴客光顧茲為擴

充生意起見並接理外洋書信快

捷妥當每百元只扣帶工銀貳元

時價補足倘有遺失如數賠償如

蒙光顧無任歡迎

本店司理人 廖 崇 郡 白

刻 謹